

山西通志

册六十二

山西通志卷第五十七

山西巡撫都察院右副都御史

覺羅石麟奉

旨修輯

古蹟

自漢後上黨記三晉錄諸書暨唐後李用德羊角山記林須霍山記王向弼龍門記諸書元明胥不傳而古蹟之存者尠矣今就其見於載籍而不甚穿鑿傳會者錄之他若委巷相傳之說沿習已久亦間採焉志古蹟

太原府

大陽曲縣

三交城西北十五里晉大夫竇鳴犢城也址存宋陸游老學菴筆記太平興國四年平太原降為并州廢舊城徙州於

榆次今太原又非榆次乃三交城也在舊城東北三十里
本名故軍又嘗爲唐明鎮

大孟城東北八十里晉祁氏邑後分爲七大孟其一也漢爲
縣後魏曰大祁城

狼孟城北六十里漢地理志太原有狼孟縣莽曰狼調舊斷
澗爲城今名黃頭寨綱目秦伐趙取狼孟番吾遇李牧而
還集覽狼孟縣名屬太原郡故城在陽曲縣

汾陽城西七十里漢爲汾陽縣顏師古注隋文帝自以姓楊
故惡陽曲之號改爲陽直唐復舊名綱目撫實隋改縣曰
陽直又徙治汾陽故城改曰汾陽唐於故陽曲城置汾陽
縣尋改今名

洛陰城東北六十里北魏地形志陽曲有羅陰城隋洛陰府

之地又名洛陰縣唐初名羅陰縣後省今名羅陰村有仁
壽中修寺碑驃騎將軍王整所立

木井城東北七十里鄭村南社卽故汾陽縣也又名故縣城

古角城在貢院供給所左

古城西北七里蹟存

蔚州僑郡舊唐書地理志武德六年置蔚州寄治并州陽曲
縣仍置靈邱飛狐二縣

燕然故縣唐貞觀六年以蘇農部落置燕然縣隸順州八年
僑治陽曲十七年省

陽曲故縣城東六十五里石城都舊唐志武德七年省陽直
縣改汾陽爲陽曲縣仍移治陽直廢縣

故孟縣隋志分陽直縣置大業初廢

山西通志 卷五十一 二
晉文公廟故址宋陸游筆記唐明鎮有晉文公廟甚盛平太原後潘美奏乞爲并州從之以廟址爲州治

陽曲川北三十里北齊神武帝建牙於此隋地理志有陽曲澤

唐監牧唐置以牧馬

造墨場金地理志太原府有造墨場

石室北魏風土記太原郡山有石室方丈四壁文字篆書人

尠能識

楊廣道西北六十里天門關東北崖隋煬帝爲晉王時所開

道因名

狄梁公故里今狄村慈觀寺有碑記

栢堂舊府城內唐北平王馬燧建

寇庄南六里相傳宋相寇萊公別墅今官場花園土地廟遺

址尚存

柳溪西一里汾堤之東宋天禧中陳堯佐知并州因汾水屢

漲爲築堤周五里引汾水注之旁植柳萬株中有林華堂

堂後通芙蓉洲堤上有彤霞閣每歲上巳太守泛舟郡人

遊觀焉久圯於水斷碑尚存按彤霞閣陳堯佐建林華堂

宋韓絳韓縝相繼守太原時建李清臣作碑記又有四照

亭水心亭

雁邱元遺山雁邱辭序泰和乙丑遺山赴試并州道逢捕雁

者捕得二雁一死一脫網去其脫網者空中盤旋哀鳴良

久亦投地死遺山遂以金贖二雁瘞汾水傍壘石爲識號

曰雁邱因賦此詞同行蒲溪楊正卿果樂城李仁卿冶和

之詞注雁邱在今太原府陽曲縣事見輿圖備考

籌邊樓府治內宋端明殿學士馮京守太原時建

愛月亭府治東宋馮京守太原時建

安武堂縣治西下臨汾河宋時春秋仲月閱武於此

良宴亭府城東宋時建以宴客

西景園明晉藩園在廢府西北隅

西園明靖安王園

桂子園城東南隅布政王道行別業有桂數株日觴咏其間

有桂子園集行世後爲明宗藩河東王所得更名金粟今

爲梵宇俗名小五臺

雄風樓明寧河王建王明甫有詩

作霖樓都察院後

唱經樓布政司前

坤德閣橋頭街觀音堂前

顯靈閣大盈倉內

浩然臺在東關延壽寺後上有楊宗氣王好問詩

鎮河樓舊在水西關真武廟後有樓二楹相傳樓下有鐵牛

二

鑛鐵坑旗纛廟東相傳掘地則鐵陷明初焦駙馬都尉嘗製
刀甚利後置旗纛廟內風雨爲災復入坑

冰窖舊在開平王廟後巡撫李某創建蓋遵周禮之制節宣

陰陽也今移晉廢府

古漆井小彌陀寺西相傳未有寺先有井內無軀痕故名

石家茆峭壁一崖汾水環流地廣四十畝俗傳王將軍避兵

山西通志 卷五十一
地有早種晚收遺種

試斧石 天門關凌井溝內類斧劈痕上有楊美益詩

丹井 晉廢府東城門內味極清冽府有藥名金棗丹治疾甚驗惟用此水

辟蠅木 在烈石廟殿神龕內色類沉香相傳辟蠅

寶賢堂石刻 舊在晉府今移入三立祠明晉世子奇源集古法帖序云取淳化諸帖竝我朝以書名者十數家擇其尤者摹勒上石釐爲十二卷戴令夢熊跋石經亂不全

國朝順治間郡守宗得於斷壁頽垣者二十餘塊余訪求藏本舊搨鈎勒上石計補五十餘塊而全帖以完

宋太宗書庫碑 在壽寧教寺大中祥符四年真宗御書勒石宋并州新修廟學碑 至和元年知并州魏國公韓琦建廟撰

記

金府學廟碑 明昌二年翰林修撰趙渢撰記云天會九年耶律公資讓建正隆初完顏宗憲繕完大定丙午亞尹張公子衍漕貳楊公伯元立建賢堂於兩廡間明昌二年張公大節尹太原撤故就新規模大備

金英濟侯感應碑 烈石祠前大定二年縣令史純撰文元英濟侯碑 至正中冀寧牧搭海帖木兒樹碑

大古碑 崇善寺西井樓南高丈許廣七尺螭首五尺今臥土中

透玲碑 在烈石廟光瑩照人俗名透玲

太原縣

晉陽城 縣治北里許故唐國也周封叔虞曰唐至子燮父以

山西通志 卷五十一 五
有晉水更號晉一名唐城智伯引水灌之不浸者三版晉
刺史劉琨展築中有三城一曰大明城董安于築北齊置
大明宮其一東魏靜帝置晉陽宮隋更名新城其一開皇
十六年築名倉城又汾河東岸曰東城貞觀十一年長史
李勣築德宗時引晉水架汾瀦爲東隍省守埤萬人又醜
汾水環城植柳固堤建中四年節度馬燧亦引晉水架汾
至城東爲池武后時長史崔神慶以二城隔汾乃於其間
跨水聯堞合而一之名曰中城宋太祖御城受劉繼元降
始隳其城又西堞外有羅城以禦西山之水俗名長龍城
其近有羅城鎮按晉陽唐爲北都有留守宋太平興國四
年平太原議者謂宋興歸德爲商星分野太原參星分野
昔高辛氏二子不相能故自古參商不相見國家盛則後

服衰則先叛不宜列以方鎮乃下詔毀其城改爲平晉縣
以榆次爲并州徙太原民於唐明鎮縱火焚太原廬舍老
幼趨城門不及焚死者甚衆金元好問過晉陽故城詩曰
汾流決入大夏門府治移著唐明村又曰東闕蒼龍西白
虎金雀觚稜上雲雨不論民居與官府仙佛所廬餘百所
鬼役天財千萬古爭教一炬成焦土又曰萬夫畚插開連
岡官街十字改丁字

唐城晉陽縣北二里都城記堯所築

二陵城北魏志太原郡長安縣有二陵城

三角城西北二十里義井村一名徒人城又名胡提城趙襄
子所築以處刑徒內置卻敵外安龍尾爲三面故名三角
城址存北魏志太原郡長安縣有三角城

平晉故城東北二十里高一丈三尺周四里餘內有故碑字多剝落宋置永利監於此

王陵城汾水東舊縣東北鄭村今名黃陵村

長安故縣北魏志泰常二年置真君中省景明初復

龍山故縣隋志後齊置大業十年改爲晉陽

陽真故縣隋志開皇十年置大業初省入太原

潛邱爾雅晉有潛邱在太原縣東南八里舊城內長四千三百三十一步廣三千一百二十二步周萬五千一百五十三步高四丈相傳宋修惠明寺浮圖陶土爲瓦用唐地理志都城左汾右晉潛邱在中

臺駘澤南十里晉水下流滙爲澤廣二十里今爲汾水所沒盡爲民田旁有昌寧公廟卽臺駘神

晉祠西南懸瓮山麓晉水發源處魏地形志晉陽有晉王祠昔智伯遏水灌晉陽後人因之蓄爲池沼建祠水側結飛梁於池上北齊天保中大興營建遂爲北都北史後主天統五年改爲大崇皇寺唐高祖舉義師禱於此太宗親製碑文仍名晉祠晉天福六年封興安王宋天聖間改封汾東王又建女郎祠於水源之西元至元間重修汝陽弋穀撰記云祠西山上有望川亭祠中兩泉北曰善利南曰難老皆作亭蔽之祠南大池西岸有流盃池池上曰均福堂堂後曰仁智軒其南曰湧雪亭池中島上曰清華堂亭曰環翠邦人歲時行樂者甚衆明改稱唐叔虞祠嘉靖天啓間俱重修有碑記

晉陽宮故唐城內春秋時董安于理晉陽公宮卽此東魏武

山西通志 卷五十一
定三年高歡言并州軍器所聚動須女功請置宮以處配
沒之口於是置晉陽宮齊天保中置大明宮宮內建宣光
建始嘉福仁壽宣德崇德大明七殿德陽萬壽二堂北有
元德門又北有元武樓樓下有門通城外隋唐踵麗增華
址微存唐地理志晉陽宮在都之西北宮城周二千五百
二十步崇四丈八尺都城左汾右晉五朝志太原有晉陽
宮

大明宮北齊書天統初世祖在晉陽既居舊殿少主未有別
所詔給事黃門侍郎馮子琮監造大明宮宮成世祖親自
巡幸怪其不甚宏麗子琮對曰至尊幼年纂承大業欲令
敦行節儉以示萬邦兼此北連天闕不宜過復崇峻世祖
稱善

德陽堂北齊建

宣德殿北齊建

大明殿齊後主以晉陽大明殿成大赦文武百官進二級免
并州太原一郡來年租

崇德殿北齊建

內殿天保元年冬十月帝御金輅入晉陽宮朝皇太后於內
殿

南宮齊大寧元年冬十一月武成帝卽位於南宮

十二院後主於晉陽起十二院壯麗踰鄴下

五龍門武平七年後主夜斬五龍門而出

清華堂西南十里晉祠池上北齊天保中建

避暑宮西南三十里北齊神武帝避暑處俗稱皇家宅明周

文端經題天龍洞詩齊主宮存避暑基縣志避暑宮有二
一在蒙山上世傳劉薛王避暑寨一在天龍山東址存又
葦谷山有避暑宮齊天保二年建後賜名仙巖寺
寶墨堂在晉祠齊天保中建

栢堂文宣帝避暑宮

雙堂在東城北魏太原公高洋第

號令堂汾水東舊晉陽縣唐高祖誓義師於此

起義堂唐地理志宮城東有起義堂張燕公作頌

受瑞壇唐高祖舉義兵使子元吉留守獲瑞石有文曰李淵

萬吉因築壇祀以少牢唐地理志倉城中有受瑞壇

乾陽樓貞元十一年太原監軍王定遠謀殺節度使李自良
不克走登乾陽樓夜墜城逸

飛閣唐地理志西北十五里有飛閣顯慶五年築

講武臺縣西北唐顯慶間築

勤政閣十國春秋北漢少主劉繼恩寢處居勤政閣

資聖院統平殿宋皇祐五年奉安太宗御容於此禮志太宗

取劉繼元於并州是太平之統也卽崇聖寺殿名曰統平

以奉太宗嘉祐元年統平殿災諫官范鎮言并州素無火

災自建神御殿未幾而輒焚天意若曰祖宗御容非郡國

所宜奉安者近聞下并州復加崇建是徒事土木重困民

力非所以答天意也自并州平七十七年故城父老不入

新城宜寬其賦輸緩其徭役以除其患使河東之民不忘

太宗之德則陛下孝思豈特建一神御殿比哉

上黨坊齊文宣帝將受禪時訛言上黨出聖人帝聞之將徙

山西通志 卷五十一
一郡郡人張思進上言殿下生於南宮坊名上黨卽是上黨出聖人帝悅而止

并州邸天保七年後主母胡皇后生後主於并州邸

丞相第東魏孝靜皇后高氏興和初以后駕迎於晉陽之丞相第北魏志永昌中置大丞相府

尚書府後主天統五年夏四月詔以并州尚書省爲大基聖寺

六府後周武帝建德六年幸并州廢并州宮及六府

難老泉亭北齊天保中建明嘉靖時重建

善利泉亭天保中建明正德初廢嘉靖時重建

望川亭在晉祠懸甕山明高汝行重建撰記云亭建天保中址微存鄉人名爲大亭臺嘉靖二十七年復建三楹其下

仍扁望川

王太原宅北魏王椿於宅構起廳事極爲高壯時人忽云此乃太原王宅豈是王太原宅椿往爲本郡太守世皆呼爲王太原未幾爾朱榮居椿之宅榮封太原王焉

敬德別墅西南八里奉聖寺內有遺像

百樂州唐李暉鎮太原與李商隱孫逃遊於百樂州逃爲之記文士盛稱之

龍泉亭舊唐書盧簡求子汝弼爲河東節度副使府有龍泉亭簡求節制時手書詩一章在亭之西壁汝弼復爲亞帥每亭中讌集未嘗居賓位西向俯首而已

龍泉池晉水池唐白香山有和裴令公上巳日遊龍泉池詩又和令公開龍泉晉水二池詩笙歌聞四面樓閣在中

央

山亭舊府西城上唐張弘靖爲太原節度使有山亭懷古詩
曰叢石依古城懸泉灑清池判官韓察高銖副使崔恭掌
記崔公信及陸灑胡証張賈胥有和詩刻石

偃松坊唐薛能并州詩坊號偃松人在否餅爐南畔曲西頭
太原府廨十國春秋北漢睿宗故執事百司宿衛皆在太原
府廨

沙河門樓宋史太平興國四年以榆次縣爲新并州築新城
上幸城北御沙河門樓盡徙餘民於新城以行宮爲平晉
寺

環翠亭晉祠池島上冬夏有翠草名長生蘋

御駕橋西北二里智伯橋上世傳齊帝避暑蒙山建

赤橋西南七里智伯渠上初名豫讓橋宋太祖鑿臥虎山血
流成河更名

家馬廐漢地理志有家馬官後改曰捫馬師古曰捫音動

御井西南十里近晉祠相傳宋太祖飲馬於此

九龍井北三里金皇統八年碑云人有病飲之卽愈洗目卽
明

烈女井北十里元武氏女管嬰殉節於此

蟾酥池西南五里賢輔鄉元時採辦今涸

晉祠金人蘇惟霖遊晉祠記殿前壘石爲方臺周遭四金人
怒而立其三皆宋紹聖二十五年物相傳其一出亡爲明
弘治間補立

晉溪園劉龍紫巖集王晉溪太宰卜築於晉祠水邊甚爲佳

勝乃自綏德謫所以書來乞詩自謂兒輩近爲我營一供老之所池館之間賸植花竹稻畦蒲沚煙雪瀾漫極目頗得秀潤閑雅之趣縉紳多爲詠題不宜獨闕乃疊韻以四律復之

太原成王碑魏土地記城東汾水南流有晉使持節都督并州諸軍事鎮北大將軍太原成王之碑

北魏彭城太妃墓誌石北十五里石堂頭村北齊神武帝妃爾朱榮女

北魏左武烈墓碑北三十里井谷村碑云名深字洪貴南陽人雍州刺史封武陽侯贈司空謚武烈蓋高歡別將

定國寺碑并州定國寺新成齊神武謂陳元康溫子昇曰昔作芒山寺碑文時稱絕妙今定國寺碑當使誰作辭也元

康薦祖珽才學乃給筆札就禁所具草二日內成其文甚麗神武以其工而且速特恕罪不問

隋天龍寺石室銘開皇四年刻石

隋楊忠碑縣西五里蒙山下隋文帝父嘗爲周將伐齊有功立碑

晉祠碑銘唐貞觀二十一年太宗御製碑文及銘碑陰列長孫无忌蕭瑀李勣張亮李道宗楊師道馬周銜名

唐尉遲敬善墓誌石鄂國公從弟明嘉靖初墓發誌石貯縣庫內

夫子廟堂碑在儒學顏真卿書

唐新松記碑在晉祠顏頤書

宸宸台衡二銘碑馬燧平河中帝賜宸宸台衡二銘勒石起

義堂帝榜其額以寵之

後唐招討使李存進墓碑夏鄉鄭村東原同光二年御史中丞呂夢奇撰太子校書梁邕書

後晉重修蒙山開化莊嚴閣碑學士蘇禹珪撰文大晉開運二年七月十三日興邦佐命忠力保定功臣北京留守河東節度管內觀察處置等使北面行營都統開府儀同三司檢校太師兼中書令行太原尹上柱國北平王食邑一萬三千戶實食封二千二百戶劉智遠立石

後晉史匡翰神道碑東北三十里皇陵村天福七年立知制誥陶穀撰朝散大夫太府卿開光遠奉勅書云大晉義成軍節度使駙馬都尉餘剝落

北漢劉氏墓額西南三十里天龍谷中其額有大漢英武皇

帝園陵八字明弘治間爲寺僧所毀今存石香亭

天龍寺千佛樓碑北漢光運二年尚書左僕射李宣撰

宋修晉祠碑太平興國九年甲申五月丁丑朔將仕郎尚書職方員外郎趙昌言奉勅撰翰林待詔中大夫司農少卿賜緋魚袋張仁慶奉勅書

宋崇聖寺碑銘縣東十里舊寨後并川宣撫使韓絳撰元豐八年立明弘治十四年七月碑吼三日夜一夕汾水漲沒

宋惠明寺舍利塔碑河東路安撫使呂惠卿撰元豐八年建
宋邢昂墓詩碑西南十里晉祠奉聖院南原上有宋相寇準文彥博陳堯佐范仲淹等十四人所贈詩碑在陽曲縣天

慶觀中

宋三聖堂銘在明仙寺河東路安撫使呂惠卿撰元豐八年

山西通志 卷五十一
八月十三日建

宋重修昌寧公廟碑卽汾水川祠員外郎張禹錫撰

宋明仙寺詩碣宋蘇過書

宋重廣水利碑太谷令公乘良弼撰嘉祐八年二月初五日
立石

遼太宗聖德神功碑遼史天顯十一年遼太宗援太原大敗

張敬達兵築京觀於汾水上立碑晉高祖詔桑維翰撰文

金重修九龍廟碑晉陽故城北郭大定十六年歲次丙申八

月望日古并州崔昱書丹

金平晉縣建賢堂碑郝鍾撰

元重修晉祠碑河東山西道廉訪司僉事王思誠撰

元昊天觀重刊全真庵碑道士宋德芳撰

元開化寺雪峰道行碑在蒙山王好古撰文

元長春觀碑在南城角延祐元年翰林學士陳儼撰文

西山石篆風谷山岩石上鑱字云立一箭臥一箭金鍋耳子

露一半溝之南道之北一輛金車露枝輻

榆次縣

中都城東一十五里左傳昭公二年晉侯執陳無宇於中都

卽此漢置縣隋志後齊曰中都開皇中改名榆次

榆次故城城北週二十一里漢築址存水經注故塗水鄉晉

大夫智徐吾邑春秋昭公八年石言於晉魏榆服虔曰魏

晉邑也榆州里名也漢書曰榆次十三州志曰塗陽莽曰

太原亭

武觀城西南二十里陳侃村一名武館城盧諶征艱賦徑武

館之故郭問厥塗之遠近水經注洞渦水至武觀城而北
信都城東一十八里宋圖經縣東鄉嘗名信都卽今來暮鄉
鑿臺南五里郭村史記殺智伯瑤於鑿臺之下卽此後爲源
渦水所沒址微存一曰鑿壺
廢臺東五十里張平村魏土地記冉閔爲并州刺史嘗置臺
壁以禦秦寇

瞭馬臺北十里聶村

孟母故宅古城西南隅相傳有三徙鄉又學宮東舊有孟母
廟廟前有斷機堂址存

長寧壁東南十里後魏李長寧居此改長寧寨

區堂壁東南三十里後魏傅區堂居此改福堂寨

思鳳亭縣治內晉荀藐爲令鳳集其境宋天聖中文彥博署

縣事因以名亭後改思鳳樓

後漢高祖故里五代史劉智遠其先沙陀部人其後世居於
太原相傳唐中和初徙榆次左付里

昭聖李后故里縣治西北五代史漢高祖牧馬晉陽夜入其
家劫取之相傳榆次鳴李村人

土井西北二十里鳴李村後相傳漢昭聖后微時汲水灌麻
麻池蹟存

思政堂縣治東宋宣和二年縣令李諒建有記

金家樓縣治北元至正末有金元帥駐此起樓臺臺址存

鐵冶北三十里寺谷村有鐵礦宋置冶址微存

龐涓洞北二十五里蘇村南澗河涯相傳龐涓嘗寓此習兵
法又有馬喊坡在縣北十五里

山西通志 卷五十一 古蹟
梁杜何拔墓誌銘鹿蹄山西北八里大統缺年八月二十二日按大統係西魏年號而杜爲梁人或梁亡入魏葬此

唐贈太保李良臣墓碑李宗閔撰楊正書長慶二年立

國朝朱彝尊三唐碑跋云三碑俱在趙村距縣三十里

唐安定王李光進墓碑令狐楚撰子季元書元和間立

唐太尉李光顏墓碑李程撰郭虔書

元杜懷玉墓誌銘中社村西南半里平晉令任璟明撰文至

正四年五月立石

元康庸墓碑龍缺村北十里許墓前題曰平晉縣尹兼管本

縣奧魯勸農事康庸之墓

太谷縣

陽邑城東一十五里故縣治也晉大夫陽處父食邑今名王

班堡內有九級浮圖後周建德四年徙今治開皇十八年

改名太谷城址微存

箕城東三十五里左傳僖公時晉敗狄於箕杜預註太原陽

邑縣南有箕城

洛漠城西北一十五里周八里城塚記秦王翦伐趙所築寰

宇記謂之蘿蘿亭唐元宗幸太原嘗置永豐頓立青城宮

金大定中改爲登豐村地有吳塚

長城東南八十里馬嶺上唐地理志自平城至魯口沿山屈

青曲延三百里武德二年築貞觀元年廢今屬榆社縣翰墨

對全書堯遭洪水命伯鯀築堤障之非秦長城也

咸陽城西南七里周四百五十步舊傳秦伐趙所築成以咸

陽兵今咸陽村

山西通志 卷五十七 古蹟 副井城西南七里副井村側周二里相傳趙戍地

穰人城方輿圖在東北二十九里

故太州舊唐志武德三年以太谷祁置太州六年廢

青城宮在洛漠城唐明皇幸太原時建

萬年頓西北十里舊名龍泉頓晉陽記開元十年幸太原次

龍泉頓時北都留守杜暹奏曰龍泉地主姓唐名萬年字

表天長頓符國號改爲萬年頓帝從之

鳳洲亭縣南鳳凰山下引耐泉爲池中植菱荷上有亭

唐太谷縣令安廷堅美政頌碑郭子章豫章書高氏唐房璘

其妻也筆畫道麗不似婦人歐公云余集錄已博矣婦人筆

畫著於金石者高氏一人而已余入晉中搨得高氏碑二

通宛然二王書法一太谷縣令安廷堅美政頌呈交城縣

石壁寺鐵彌勒像頌按房璘常爲太原府參軍

金奉訓大夫京兆府咸寧縣令冀天寵墓表東三十里白念

都西北猗氏主簿郭天麟撰文大定二十五年歲次乙巳

二月乙卯朔十二日丙寅立石

元重修宣聖廟碑大德中翰林編修呼延伯起撰文

元宣德郎李壽之墓誌銘太原路教授李之芳撰

祁縣

昭餘池縣志昭餘祁考周職方氏并州澤藪曰昭餘祁晉賜

大夫奚食邑昭餘祁與焉因以爲氏一統志稱昭餘祁在

縣東南七里祁城村澤久涸元至元十一年土人鑿得細

水爲昭餘池歲溉民田旁建成湯廟漢地理志太原鄆縣

派九澤在北是爲昭餘祁并州藪

祁城有二一在東南十五里爲古祁氏邑今故縣上下二村是也一在東南七里晉祁侯李熹所築後魏徙今治址存北魏志祁縣有祁城

郃城西南七里左傳晉絕秦書焚我箕郃今爲高城村址微存按祁縣離秦邊千里秦兵豈遽能至此然陽邑箕城其說已久箕郃庸或接壤

趙襄子城西北八里圖志趙襄子所築又北魏志祁縣有趙襄子城

禿髮城東北十五里相傳禿髮烏孤築今大賈村按禿髮偃檀子源賀爲魏太尉或築此

隆舟城東南三十里卽隆州故城圖志五代時劉繼元築以拒周河東記宋太平興國四年克嵐州因次隆州有遺址

在今團栢鎮之東

沙城西五里相傳後燕慕容垂築址存縣志有沙城斷碑按圖志趙襄子實經厥始舊有遺碑羅者於此獲一鴈俄一鴈墮翮據碑哀鳴淚血成石華鴈死碑斷

楊六郎城東南二十五里落陽村址存

古耆國縣志祁邑源流考炎帝姓伊耆氏蓋以初國伊繼國耆也黃帝之子得姓者十四人而祁爲首帝堯生於丹陵徙於祁故亦姓伊耆左國史鑑竹書開山等書僉同伊祈祁本一字今祁北四十里堯城南五十里平陶俱稱帝堯始封地相傳縣東六支村有帝行宮

賈令鎮北十五里晉賈辛爲祁大夫相傳民德之故名今鎮北有召憇亭

嶺州故址東三十里金史貞祐中尚書左丞胥鼎議於縣東
賈團栢鎮置嶺州縣屬之尋廢

義井城東南察院巷元義門溫義之井

麓臺銘在麓臺山宋大學士張商英撰

李淳風墓碑墓在白圭鎮驛堂前明嘉靖間地塌出小碑云
吾是唐朝一地仙五百年前一見天上覆徐州王大尹將
予葬在白圭南因移葬白圭之南

徐溝縣

梗陽鄉戰國策周倭以西周善於秦而封於梗陽史記索隱
注榆次有梗陽鄉榆次志西南六十里爲徐溝而梗陽鄉
在西南九十里應入徐溝

徐溝鎮金置本隸清源縣大定二十九年升爲縣

同戈驛北闕西偏顧炎武日知錄太原府徐溝縣有同戈驛
其名本取洞渦水新唐志太原郡有府十八其一名曰洞
渦舊唐書昭宗紀天復元年四月氏叔琮營於洞渦驛明
韓邦奇同戈懷古詩英俊同戈地隋唐百戰秋

清源縣

梗陽城南一百二十步周六里左傳中行獻子見梗陽之巫
臯又魏獻子以魏戍爲梗陽大夫綱目秦攻趙拔梗陽趙
世家注晉陽縣南梗陽城也括地志梗陽故城在并州清
源南百二十步析晉陽縣置本漢榆次縣地

涂陽城南二十里晉祁氏邑魏獻子以智徐吾爲涂水大夫
今名屠賈村

陶唐城東南三十里相傳陶唐氏自涿鹿徙居此又云陶唐

造曆之所今名堯城

印駒城西南二十里漢文帝於交城置牧地築此城以印駒
因名

鵝城東南二十里晉書永嘉元年洛陽地陷有二鵝蒼者飛
去白者止此劉曜以爲巳瑞築城應之

清源故縣隋志開皇十六年析晉陽縣置大業初省入焉
淨修閣在高白鎮明成化中樂籍女李氏習禪學於樓上以
處子終閣東南有孝感樓

交城縣

大陵城西南十里前隸文水後割土安都易之因隸交城史
記趙肅侯遊大陵出於鹿門大戊午諫曰耕事方急一日
不作百日不食肅侯下車謝又武靈王遊大陵夢處女鼓

瑟而歌漢地理志大陵有鐵官莽曰大寧

古交城東北九十里河北都故交村汾孔二河交流故名隋
交城縣在其西唐長史王及善徙縣治於南山却波村

馬蘭城北九十里孔河之下卽今馬蘭村漢魏北齊嘗爲牧
地

下馬城北一百六十里靜樂界相傳魏孝文下馬於此

榆城西北一百三十里文谷水上地多榆

盧川故縣東北七十里盧峪口唐先天元年分置盧川縣於
交城故地開元二年省

大通鐵冶西北八十里西冶村卽大通監也一名西冶舊設
都提舉司鐵冶所巡檢元昔里改牙有大通冶辨

甘露壇魏太和唐貞元元和間甘露屢降於石壁山唐李逢

山西通志 卷五十一
甘露義壇碑云我唐三壇角於三都西都曰
靈感壇東都曰會善壇北都曰甘露壇壇在府之交城縣
大石壁寺

武威公舊莊武威公王茂元也唐李商隱有過舊莊感事詩
信陵亭館接郊畿幽象遙通晉水祠

陀羅尼石幢唐貞元元和間物今存

唐石壁寺鐵彌勒像頌碑林諤撰文開元二十九年歲在辛
巳六月庚辰朔廿四日癸卯建

唐甘露義壇碑李逢吉撰文貞元中河東節度觀察使禮部
尚書北都留守太原尹李說樹碑

唐造華嚴三會普光明殿功德碑支高撰文貞元十六年歲
在庚辰四月己巳朔十日戊寅禮部尚書兼御史大夫太

原尹李說建

唐高氏鐵彌勒像頌碑宋歐陽公云余入晉中搨得高氏碑
二通一交城縣石壁寺鐵彌勒像頌金趙點題石壁詩更
看高氏字祇與衛華同

趙襄子墓碑西北隅宋大通監判李隨撰

元謝將軍仲温墓碑郝忠恕書至正十五年立

文水縣

平陶城西南二十五里堯爲唐侯時都此漢爲縣隸太原郡
後魏改名平遙後徙治京陵今縣平陶都乃故城也

柵城北二十里舊經魏武帝築以備寇當文峪口卽今開柵
城唐志有柵城渠

大干城南十里圖經云劉淵築令兄延年居之時人謂兄爲

山西通志 卷五十一
大阿干故名里國錄云阿干合了漢書中阿人語只爲古文水城東十里今名舊縣地後魏有文水城隋唐因之宋元符間圯於水徙治章多里

雲州城東四十里後魏築永熙中寄治并州界今名雲州村受陽故縣北魏置隋志開皇十年改州南受陽縣爲文水武興故縣舊唐志天授元年改文水爲武興以天后鄉里與太原晉陽並爲京縣

子夏室子夏遊憇商山山一名子夏山隈有隱唐洞洞內一窟廣丈餘名子夏室

攀龍臺荆州都督武士護墓也武后追封周高祖墓名攀龍臺勅李嶠撰記

武媚娘故里縣志王秉乘文水道中詩文水流何細媚山艷

未收注云山下有武媚娘故里

武滂泊南二十里唐天授二年改名朱雀泊

溪亭宋河東提刑張商英詩二首有云林檎園北小橋南水綠山清不易兼

石峽藏書城西二十五里石峽山洞中舊藏陶淵明白蓮社文金剛科儀等書

唐泌水碑北五里龍泉村虞世南撰并書字多剝落

宋勅賜崇勝禪院碑康定元年五月初七日立石

元左丞相梁錦陽墓碑翰林學士揭傒斯撰文在李端鎮墓前

元戶部尚書王雲墓碑雲周村西翰林學士歐陽元撰文

元重修廟學碑至正十四年春三月翰林待制奉議大夫兼

國史院編修官郝忠恕撰文

岢嵐州

長城城北五十里俗名長城梁舊志蒙恬築一云趙武靈王築明嘉靖間得石刻云隋開皇元年贊皇縣丁夫築蘇孤戍東三十里北齊築城東北隅沒於水今名三角村安元城西五里梁家會址存

嵐谷故城州西五里唐長安三年析宜芳於岢嵐舊軍置神龍二年省開元十二年復置

新州城北五十里天窰口址存

御筆手詔宋徽宗時有瑞鶴之應頒詔天下刻石紀事額名御筆手詔今洪福寺前西壁有碑文漫漶不可讀

嵐縣

秀容城西三十里卽漢汾陽北魏封爾朱羽健於北秀容川環其所居割地三百里卽此今城址存方十里八景中有秀容古堞

樓煩故郡隋志大業四年置治嵐城

故東會州舊唐志武德四年平劉武周置六年廢於廢東會

州置嵐州

宜芳故縣今爲里唐置東會州尋改嵐州天寶初改樓煩郡乾元初復爲嵐州治宜芳縣唐志宜芳本嵐城武德三年

更名

豐閭故縣唐志武德四年置五年省入宜芳

合會故縣武德四年置六年省入宜芳

飛鷲堡西北六十里乏馬嶺下宋熙寧中建址存

山西通志 卷五十一 蔚州 三
高光堡宋提刑張天覺知嵐州王景仁元嵐州判官劉源胥

有詩

飲馬池北六十里黑嶮山中相傳尉遲敬德夢神語子無良馬何不渥洼池中取之異日往過見一馬飲池跨騎而去

銅洞北十里銅爛溝中相傳取石洞中煎之成銅今名銅家

宜塢灘

元創建宣聖廟碑至大元年九月吉日前奉御王居實撰文

元重修靈淵侯廟碑在大萬山至正二十八年嵐州鎮禦奉

訓大夫同簽將作院事兼達魯花赤伯不花大中大夫同

簽河南樞密院事兼知州趙中樹碑嵐州學正王安良撰

文

興縣

蔚汾故縣隋志後齊置蔚汾縣大業四年改名臨泉

合河故縣西北六十里通考唐貞觀中置以蔚汾二水西與

黃河合故名廢址存唐志本臨泉縣武德三年曰臨津貞

觀元年更名合河

太和故縣唐志隸北和州武德九年省入合河貞觀三年復

置八年復省

高王寨東三十里大寨山上舊傳高歡築

飛鳶堡宋地理志云嵐州有飛鳶堡

平陽府

臨汾縣

高粱城東三十七里高粱都程黃里魏地形志平陽縣有高

梁城左傳僖公二十四年殺懷公於高粱杜預注高粱在

平陽楊縣西南竹書紀年晉出公三十年智伯瑤城高粱
高又名梁墟綱目質實云絳州西五十里有高粱縣後周伐
齊齊主與馮淑妃奔高粱橋卽此

金城西南二十里晉永嘉末劉淵據蒲子後築此爲陶唐金
城都之今名金店村北魏志有龍子城當卽此

白馬城東北二十里水經注魏刑白馬而築之今平陽郡治
也魏志建義元年晉州治白馬城

平陽古城隋志後魏置平陽郡及縣開皇初改郡爲平河縣
曰臨汾舊唐志貞觀十二年徙晉州治於平陽古城

西河故郡定陽故郡隋志臨汾有東魏西河敷城伍城北
伍城定陽等五郡後周併爲西河定陽二郡開皇初竝廢

故晉州隋志後魏置唐州尋改曰晉州隋爲臨汾郡

西河故縣隋志臨汾有後魏永安縣開皇初改爲西河舊唐
志武德元年析洪洞縣置貞觀十七年省入臨汾

倉頡故宅南關西今西趙村

雙闕許由欲觀帝意謂堯曰帝坐華堂之上面雙闕之下君
榮願已得矣堯曰吾立於靈扉之內霏然而雲生牖坐於
華堂之上森然而松生棟雖面雙闕無異崔巍之冠蓬萊
雖背重郭無異回巒之縈崑崙子安知其所以不榮乃美
由而師之

五府杜佑云唐虞祀五帝于五府牛弘云黃帝合宮堯五府

皆明堂也尚書帝命驗帝者承天立五府以尊天象蒼曰
靈府赤曰文祖黃曰神計白曰顯紀黑曰元矩注唐虞之

清天府夏世室同矣帝於靈臺於清室於清宮於清廟

貳宮一名貳室孟子帝館甥於貳室朱子注貳室副宮也世紀帝見舜處之貳宮又曰二女妻舜爲築宮室封之虞康衢列子堯理天下五十年不知天下理與亂乃微服游於正康衢聞兒童謠曰立我蒸民莫匪爾極不識不知順帝之則而神之

伊村南十里以帝堯姓伊祁名相傳有茅茨土階遺址又城北三里相傳席老師擊壤處又城東禮城相傳堯妻舜二女地

冀茨亭西南十里伊村里堯時冀茨生於庭舊志內有帝堯古像里人懸閣上祀之

堯井堯廟殿前相傳堯建都時所鑿演馬場伊村南相傳丹朱演馬於此

隼氏亭太平寰宇記晉郤隼采邑

董亭左傳文公六年春晉改蒐于董杜預注河東臨汾縣有董亭後漢志同

賈鄉博物記臨汾有賈鄉賈伯邑按左傳晉獻公娶于賈杜預曰賈姬姓國也又晉大夫有賈季狐偃之子狐射姑也蓋爲晉所滅遂爲狐氏之邑云

煉礬務礬山務胥宋置

鄧子坡城西南卽伯道棄子留姪處

逍遙園漢主聰爲劉后娥起鷄儀殿陳元達進諫聰怒欲殺之聰在逍遙園李中堂娥手疏上言聰納之更命園曰納賢園堂曰愧賢堂

稅駕堂府學大成殿後宋黃庭堅書扁

清音亭西北平水上龍子祠前元毛麾康澤王廟碑邑宰王公增葺溪上舊亭顏曰清音取選詩山水有清音之意明張昌詩清音亭上春無限且放滄浪入管絃更命園曰

待旦軒府治內元判官王暉建

觀瀾亭滂河渠上明邢雲路詩高亭軒豁俯汀洲

水雲樓滂河渠上邢雲路詩一水雲連下遠空登樓人在水雲中

蓮池府治推官舊宅東池中有宛在亭東有小閣一名永利

買池明洪武間郡守徐鐸引汾水穴城入池有碑記

河山一覽樓俗名鼓樓一名大中樓在城中洪武初國子助教張昌扁其東曰太行形勝南曰雲天咫尺西曰河山一覽北曰中州雄鎮後人取其一一以名

國朝康熙三十四年地震傾圮知府劉榮重建名大中樓

焦堡北五里吳將軍焦休聲建址存今名焦堡村

姑射山南洞古碑明張方果遊二仙洞記洞旁有碑光可以鑑按之唐物也字畫甚精

元重修堯廟碑至元五年翰林直講學士王磐奉勅撰文

元康澤王廟碑即平水神祠毛麾撰文

吳道子水陸畫軸王士祿畫軸歌序云平陽西偏普菴堂水陸社有吳生所畫水陸百二十軸社之得名以此先是明

世宗朝西河郡王城北有隙地傳爲廢寺遺址中夜嘗見奇光掘地得石函以鐵緄二道束之發之又得錫函其最

中函以木木函啓而畫軸見乃希代之奇寶也後嗣王以授揮使呂呂死家落僧以常直得之構殿以藏焉予得見

山西通志 卷五十一 地理志 襄陵縣

三十軸信奇筆

襄陵縣在縣東南水經注襄陵縣故城西晉大夫卻犇邑也

其地有卻氏鄉亭王莽更名曰幹昌址存

乾城北魏志擒昌縣有乾城

擒昌故縣北魏志卽漢晉之北屈也神麿元年擒赫連昌置

擒昌郡真君二年改爲縣唐改名襄陵

班氏鄉亭漢地理志襄陵有班氏鄉亭

平水故縣金興定四年徙置汾河之西從平陽公胡天祚之

請也

故關鐵冶在京安鎮元設提舉司

許褚堡縣西南北許村三國時建址存

宿水店縣西南卽縣舊治宋天聖初移治晉橋

伯道故居東南鄧莊有遺址

王元輔古宅在明禮坊街北金改爲天徵觀明改按察分司

訓義門縣東張相村元至元三年蒙溪先生張著定名撰記

西花園在興義坊元時楊姓闢地引水構亭植卉明初改按

察分司後改察院

玉香亭南三十五里故關鎮金火廟前延祐三年鐵冶都提

舉滕世榮建

翠雲亭縣治西元建

愛橋縣東南鄧莊世傳鄧攸建元大德六年重修改名遺愛

橋

元封從仕郎靳公墓誌銘進士正平尹柱撰文

倉頡師曠城元和郡國志倉頡與師子野所造路史倉頡都於陽武終葬衛之利鄉南書人禋之注祥符故浚儀縣卽春秋之陽武故高陽鄉也有倉頡城陳留風俗傳縣有倉頡城及列仙之吹臺地道記開封縣東北二十里有倉垣無城或後世緣其所都名之耶然按姓纂倉頡氏馮翊人則其後世氏倉頡者爲之爾皇覽云墳高六尺學書者俱往上姓名投刺祀之不絕九域志鳳翔有倉頡廟今長安西南二里官張村有三寺者記爲倉頡造書之堂斯亦未然豈亦馮翊者爲之與今按郡國志收入

楊侯城東南十五里范村又名危城村地道記楊城距縣五

十里晉叔向邑漢爲楊縣王莽更名有年亭

洪崖古洞洪崖在縣南一里古洞在縣北五里縣以洪洞鎮名鎮以洞名

羊獬故墟南二十五里相傳堯時神羊產此

棄瓢池在九箕山相傳許由隱於此有洗耳棄瓢遺址

臯陶里南十三里臯陶村有塚存

師曠故里東南二十里師村里名昉此師村東北有師崗古洞

高粱亭左傳齊侯以諸侯之師伐晉及高粱而還杜預注高

梁晉地在平陽楊縣西南

宜雨亭在羅漢院宋至治時建楊柳影密雖雨亦宜故名

雪香館西街之西

山西通志 卷五十一 古蹟
雪香亭橋西北竹梅交映

邃綠亭雪香亭西長楸翠梧日光不到

花心亭邃綠亭南多異卉

月波亭花心亭東南面水

流盃池月波亭中鑿池屋其上

環碧亭四周環水

寒翠軒松竹森蔚

金師曠廟碑大定初趙廣聰撰文

元贈萬戶翼千戶楊德明墓碑南三十里高村編修許儼撰

文

元晉寧路總管府知中勳驍騎尉洪洞子石元亨墓碑東二里學士揭傒斯撰文

元太原郡侯郭公墓後碑東三里侍郎韓肅撰文刻於

浮山縣

老君遺跡孫景文天聖宮紀事碑唐武德二年老子降於平

陽神山縣龍角山之根子樹下語人曰爾爲吾言於唐皇

帝吾卽汝之遠祖也已大勅陰兵助汝破賊乃命有司於

所見之地建立祠堂改羊角爲龍角山改浮山爲神山縣

羊角故址本羊角山唐武德間更名龍角其東峰有左伯桃

廟西峰有羊角哀廟

故郭城西南十里故縣村三面險絕惟東面平坦舊志神山

縣故郭城是也北魏志擒昌縣有郭城當卽此一名丹朱

雷邑

乾壁魏道武天興六年後秦安北將軍姚平率衆四萬來侵

山西通志 卷五十一 古蹟
平陽陷乾壁興六年秦文非將軍拔平羊果四萬來封

霍光別墅縣北諸葛河西流為丞相河蓋以霍光別墅名也

今南霍村有故里

平寧里北十五里舊傳東漢鮑永破青犢賊還報光武曰賊

已平國已寧因賜其鄉為平寧里

諸葛村魏諸葛誕寓此遂占籍焉

歲寒亭縣東堯山祠中金皇統中縣令牛承直建

煙霞閣天聖宮內金大定十七年建

深思堂縣治內元大德間建

唐慶唐觀碑南三十五里開元十四年秋七月詔改浮山老

君廟為慶唐觀御書觀額及碑文賜之

唐慶唐觀金錄齋頌碑朝議郎左拾遺內供奉博陵崔明允

募通直郎河南府伊闕縣丞集賢院待制兼校理御書史

惟則書天寶二年歲次癸未十月朔十五日庚辰

玉兔寺現身羅漢遺語碑風穴山禪藥庵後周顯德五年歲

次戊午閏十月學究王福新撰

訓廉銘 訓刑銘 胥宋石刻在退思堂

天聖宮事蹟碑宋天聖五年夏四月詔改慶唐觀為天聖宮

熙寧辛亥冬孫景文撰紀事碑文

宋慶唐觀重修功德碑淳化元年三月二十九日朝散大夫

試大理評事張昭舉文林郎前守主簿兼權知縣事黃元

轍文林郎守主簿孫方制權知縣尉事李太素建鄉貢進

宋主王千里撰雲水道士黃慶書

宋玉兔寺碑銘天聖八年歲次庚午五月十六日太原安石

山西通志 卷五十一 古蹟

宋撰文當寺修造主持東京右街講論大德志應立石

宋玉兔寺詩碑有三首七言絕二首推忠佐理功臣金紫光

祿大夫行尚書吏部侍郎知樞密院事上柱國王隨題景

祐三年九月望日當寺修造主講經論沙門志應立石一

宋七言律一首尚書刑部郎中直史館賜紫金魚袋康孝基

題天聖八年十月十五日寺僧志應勒石一五言律十韻

天朝請郎守尚書度支員外郎充集賢校理知解州軍州兼

管內勸農提點兩池事輕車都尉賜緋魚袋張仲尹題有

小序明道二年中秋日寺僧志應立石

宋天聖宮禱應詩碑新授江南東路諸州水陸計度轉運使

兼提點鑄錢等公事本路勸農使朝請大夫行尚書虞部

員外郎上柱國賜紫金魚袋王惟正留題天聖九年閏孟

冬月都監賜紫缺道士段見素立石

宋重修孚祐大將軍廟記碑羊角山南峰開寶六年校書郎

李翰撰

宋重修玉兔寺鐘樓碑紹聖三年歲次丙子十月巳亥朔十

五日辛未修造主持沙門義隆立石黎陽衛京撰文

金重修帝堯廟碑堯山之巔皇統三年歲次癸亥正月三日

高平郡范橐撰文

金龍祥觀重修天壇三清廟碑泰和壬戌正月晦日將仕郎

隰州缺縣主簿段時可撰文定遠大將軍行平陽府浮山

縣令兼管勾常平倉事上騎都尉天水縣開國伯食邑七

百戶趙缺并篆額進士李彬書丹進士劉著立石

金重修紀聖碑亭記碑明昌三年壬子歲季夏月望日承務

金郎前太常博士兼校書郎雲騎尉賜緋魚袋致仕平水毛
麾撰鄉貢進士孔之固書丹

陶唐清都萬壽宮事蹟碑元元素子孫志元建至元二十九
年二月吉日教諭王庭撰文

金趙城縣

趙簡子城東北三里周四里史記趙世家造父取冀之乘匹
與桃林盜驪黃驂騮綠耳獻之繆王繆王使造父御西巡
狩見西王母樂之忘歸而徐偃王畔繆王馳千里馬攻徐
偃王大破之乃賜造父以趙城由此爲趙氏正義晉州趙
城縣卽造父邑也春秋時趙簡子居之唐麟德初徙縣西
南汾水之左故城址存

伏牛臺東三十里伏牛里相傳伏羲服牛乘馬始此臺下有

臥牛坑

飛虹塔霍山南麓後周保定元年僧法江建相傳阿育王藏

舍利處

寒翠軒天寧觀內金翰林學士田天澤元廉訪副使秦鏞胥
有詩

環翠亭縣治內元平陽守王暉明薛瑄王翰胥有詩

豫讓橋南十里金狀元王綱有詩明正統六年重修學士倪

謙撰記

五女原世傳姊妹五人並昇仙址存

唐新修女媧廟碑銘山南西道節度掌書記將仕郎守右補

闕上柱國賜緋魚袋裴麗澤奉勅撰翰林院侍講總議大

夫太子洗馬同正張仁愿奉勅書天寶六載歲次丁亥十

六月十六日勅建唐正議大夫守刑部尚書兼判左丞上柱國賜紫金魚袋鄭瀚奉勅撰遊擊將軍守左金吾衛將軍驍騎尉賜紫金魚袋李執方奉勅書開成二年正月十八日勅建

宋重修應聖公廟碑節度判官朝議大夫檢校戶部尚書兼御史大夫柱國賜紫金魚袋閻光度撰節度副使光祿大夫檢校司空兼御史大夫上柱國清河縣開國缺食邑百戶張仁藝書乾德五年歲在丁卯四月乙未六日甲子記

金重修應聖公神祠碑宣武將軍行縣令仇守中撰狀元及第邑人王綱書大定二十八年九月二十日記

元徐毅神道碑在石明里許文正公衡撰文

金重修媧皇廟碑銘邑狀元及第翰林修撰王綱撰文

元李忠孝感碑在營田里忠性孝謹大德癸卯秋八月河東地震營田東北山摧阜移忠宅獨完李宗懷為立孝感碑

太平縣

古晉城南二十五里故址周九里十三步晉獻公都此左傳莊公二十六年夏士蔿城絳以深其宮史記獻公八年城聚都之命曰絳晉始都絳

齊城北魏志太平縣有二城

太平故縣北二十五里後魏真君中自晉城移臨汾縣置此因關為名曰太平魏志真君七年置泰平縣唐貞觀七年徙縣於敬德堡今名故城鎮舊志太平古城有二一在縣北二十五里今為古城鎮其北即太平關也一在縣東三

十里即移於關東者後改為北固縣
三室之邑古晉城東十里羊舌職好直不容於晉去而之三
室之邑邑人攘羊而遺之職受而埋之壚陰後事敗吏發
而視之舌尚存今名羊舌坊

尉遲封邑西北十五里尉村相傳村以封邑名蓋敬德封鄂
國非楚之鄂也晉有鄂侯鄉寧為古鄂地境內有鄂山鄂
水敬德食實封千三百戶此地與鄉寧接故土人又名為
職田庄又縣東五里相傳有敬德飲馬路

白波壘東南三十里漢黃巾餘賊郭太等起於西河白波谷
築壘今名永固村

子奇壘東三十里臨汾里後秦主姚興遣弟子奇率四萬人
伐魏攻平陽陷之遂據柴壁魏軍至截汾水守之子奇大

敗投汾水今壘上有柴庄村

九層臺古晉城東說苑晉獻公築九層之臺荀息諫曰臣能
累十二棊子加卵於其上公曰危哉息曰不危公造九層
臺三年不成男不耕女不織亦甚危矣公遂止其役今遺
址建涼馬寺明王體復詩霸迹舊城隈崇岡尚有臺

鬪雞臺南三十里楊威村相傳晉公子鬪雞處

公孫杵臼窰西北二十五里蟠道村又縣西六里有韓厥旗
架

文中子洞東南汾水之西龍門溝北晉文中子讀書於此其
洞深廣二丈餘號文中子洞

宋祚德三侯廟勅碑元豐四年七月詔封晉程嬰成信侯杵
臼忠智侯賜勅建祠崇寧三年又封韓厥為義成侯

岳陽縣

唐堯城東八十里世傳堯築址存

合陽城魏志建義元年置有合陽城隋省入冀氏縣

穀遠故縣漢志上黨郡有穀遠縣莽曰穀近

冀氏故縣東南一百三十里北魏建義元年割擒昌襄陵置

冀氏縣及郡有冀氏城舊唐志本漢猗氏縣地後於古猗

氏縣城南置冀氏元省入岳陽今名冀氏里

安澤故縣北魏志建義元年置隸義寧郡隋大業初改岳陽

和川故縣東九十里後魏義寧縣隋改和川後廢唐復置屬

沁州宋屬晉州元省今名和川里

冀缺故里相傳冀氏城後魏置縣

岳陽樓縣治前東偏

曲沃縣

桐鄉城西南四十五里驛橋村明一統志世傳伊尹放太甲

於此漢武帝將幸緱氏聞破南越改為聞喜縣

陘庭城東北十里庭城村左傳桓公三年晉武公伐翼次於

陘庭方言訛聽城

故鄙城曲沃南二里雍子邑

王官城縣西南二里明一統志晉景公謀去故絳徙都新田

大卽此又臨晉縣東南有王官城左傳秦伯伐晉濟河焚舟

取王官是也

軒轅遺蹟東北喬山中峰有軒轅廟相傳喬山卽橋山今省

作喬

古鵠邑李廷寶曲沃辨唐風揚之水篇從子於沃從子於鵠

山西通志 卷五十一 古蹟
解之者曰沃曲沃也鵠曲沃邑也今沃南十里有安鵠村
卽古之鵠也

絳邑東南二里水經注晉景公謀去故絳居新田謂之新絳
卽絳陽也漢高帝六年封越騎將軍華無害爲侯國

太子陂北五里世傳晉太子嘗以舟戲陂中而沒後水決得
王骸水高阜而葬焉建太子祠縣志縣北十里距陂百武卽
姑荀息故里太子蓋奚齊也

固宮左傳襄公二十三年欒盈帥曲沃之甲以晝入絳范宣
子奉公以如固宮杜預注固宮宮之有臺觀守備者

虎祁宮左傳晉作虎祁宮而諸侯叛水經注宮在新田絳縣
故城西四十里地背汾面澮西則兩川之交會址存
平公故梁水經注虎祁宮北橫水有故梁截汾水中凡有三

十柱柱徑五尺裁與水平蓋晉平公之故梁也物在水中
故能持久

趙莊西北三十五里趙文子食邑也或曰卽藏趙孤地

羊舌大夫故里距縣二十四里今羊舌村

欒盈食邑西十二里今盈村

河上故村東北二十里河上村相傳河上公結茆處有漢文
帝廟

樂昌堡南七里後周明帝移縣治樂昌堡

新店至德二年郭子儀與賊嚴莊戰於曲沃大破之於新店
太平館元時建靳榮劉尚質觴咏地

郝修已故居在紫金山元末卜築明初擢明經第一歷官刑
部郎中以清介賜居紫金山呂乾健有記

白石樓在景明白水兩村間明李鑛構於白石山有西溪白雲洞翠微岩桃花塢諸勝

梅月亭濟溪上

後漢張壽碑宋歐陽修書後右漢竹邑侯相張壽碑云君諱壽字仲吾其先晉大夫張老之裔舉孝廉除郎中給事謁者遷竹邑侯相建寧元年卒其大略可見者如此其餘殘缺或在或亡亦班班可讀爾

魏賈逵碑宋歐陽修書後魏志逵傳逵爲絳縣長爲賊郭援所攻絳人與援約不害逵乃降而此碑但云爲援所執臨以白刃不屈而已頗疑陳壽作傳好奇所得非實也裴松之注魏書逵年五十有五而碑云五十有四亦當以碑爲正嘉祐八年十一月十四日書

靈光寺碑唐王勃撰縣志寺中有王勃所撰碑按碑泛論佛法非爲靈光寺作也

唐許孝恭墓誌銘在高縣鎮孟楷撰文

宋史緒墓誌銘在常安村王居正撰文

宋甯智墓誌銘望絳村王巖叟撰文

元李謙亨墓碑銘南二里李木魯獅撰文

元靳孝子碑學士揭傒斯撰文云孝子名昺字克昌兵部尚書西河郡侯德淵之子天曆元年與其兄榮護母喪還河東過平定之平灘霖雨驟至兄及旁人皆呼使下車昺伏柩呼號卒不下遂溺死後十年奎章閣大學士沙刺班以聞天子命翰林待制臣傒斯文其事於碑以爲世勸

元靳和墓碑銘曲村鎮揭傒斯撰文

翼城縣

唐城南十五里唐城村丹朱所封都也

九門城魏堯臺元豐九域志翼之堂陽有九門城堯臺

姚墟朱子綱目舜生於姚墟因以為氏在北門外水清鎮

晉城故城村叔虞肇封地子燮更號晉即晉故都也址存元

絳州守宋克篤詩分星誰辨是參墟表裏山河古晉都

避暑城古暑村相傳晉文公築

熒庭城東七十五里左傳襄公三十三年齊侯伐晉張武軍

於熒庭

翼故城城東十里絳邑東八十里

翼廣城水經注晉軍北入翼廣築之因即其姓以名之

皮牢城牢寨村史記趙世家魏敗我澮取皮牢正義曰皮牢

在澮側址存

息城三張村鄭太子所封後名壽城

隆化城北齊隆化元年周武帝取澮州置鎮金興定三年置

隆化縣元憲宗二年廢今隆化村

北絳城在北絳村後魏置縣孝昌三年北絳郡治此隋開皇

十八年改為翼城址存

翼城故郡舊唐志義寧元年以廢北澮州之翼城絳置翼城

郡武德元年改澮州二年改北澮州四年州廢

新安故縣漢置後魏孝昌中屬北絳郡後齊廢入北絳縣

小鄉故郡北魏志建義元年罷有小鄉城唐志義寧元年復

置武德九年省入翼城

武子莊魏武子采邑縣東二十五里有武子廟

山西通志 卷五十一
金鈞店秦昭襄爲太子質於燕過鄭太子舍妻矚其非常人
食以鬪雞夫張唐怒責之昭襄聞而詰之妻諱言夫以爲
宜烹羊也昭襄解鈞遺之在中唐村

王逢寨縣東南隅唐會昌四年劉稹叛李德裕議遣王逢屯
翼城縣志後唐長興元年邑令張仲溫徙治於王逢寨

南營元木華黎帥師駐此在邑西南隅

河亭按察分司東文潞公天聖六年令翼時所建臨城堞瞰
澮溪遠挹山光林木森布翼之勝概此亭爲最潞公親書
名記猶存一云在藩署內

潞公臺有二俱在院署臬司後明嘉靖中縣令鄢桂枝建樓
其上少叅吳廷相詩解鞍虞叔國脫帽潞公臺

東圃治東北宋宣和間縣令向淙所闢邑人丁彥師撰記中

有靜樂軒其南有亭曰錦江北有臺曰邀月少北曰疊翠
亭又少北曰五柳亭

阜民廳東圃內宋宣和中縣令李察建邑人丁彥師撰記

瞻遠亭縣治廳事後元僉事安止善扁明洪武中山西提刑
郭桓撰記云翔峰阻前七寶峙後市廛絡其西北泉流帶
其東南

銅源錢坊翔阜錢坊唐地理志翼城有錢坊二又縣北三
十里曰蜀山相傳鄧通鑄錢處按唐元和志銅山在雅州
榮經縣北三里卽文帝賜通鑄錢之所後以山假卓王孫
宋取千匹今出銅鑛其不在山西瞭然無庸辨

張懷器去思碑唐盧照鄰撰嗣聖元年爲翼令天授二年奉
勅進階邑人樹碑

鄭太子墓碑銘縣西雲塘村唐范陽盧照鄰撰文總章元年歲次戊辰五月甲申一日立石

宋潞公軒記碑即河亭宣和中縣令李元儒記潞公治翼修河亭於廳事之後親書歲月榜於屋楹後更以國爵名軒以曆推之天聖六年戊辰越政和七年丁酉凡九十年矣閱歲雖多其蹟尚完謹勒於石以傳不朽金學士鄭輝元判官王惲學士郭西埜廉訪僕玉立并貞庵凡四人詩
宋華池廟記碑羊角山南峰宋開寶六年重修校書郎李承翰撰

宋重建文廟碑天聖八年潞公文彥博撰
宋重修喬澤廟碑在樂池前政和元年邑令田顥撰
元裕公和尚道行碑在金仙寺後移后土廟翰林學士承旨

榮祿大夫知制誥兼修國史趙孟頫撰并書篆延祐七年歲次庚申小春日住持僧智恩智真智信文懃立石

汾西縣
汾西故郡隋志後魏置開皇初廢

新城故縣隋志後周置開皇十年省入汾西

申村堡舊唐志汾西縣隋末陷賊武德初權於今城南五十里申村堡置縣貞觀六年徙今治

厚義村明一統志唐開元後徙縣治於厚義村

東閣東李安莊

銅鞋青山藐姑仙人祠旁有蓮花洞遺銅鞋一雙古色斑爛制度精異今存

元重修青山廟碑皇慶元年壬子仲秋二十有六日隰州學

山西通志 卷五十一 古蹟
正孫文通撰文在縣西青山藐姑真人祠

靈石縣

魯班纏西南四十里地極險峻上有寺相傳魯班所修

文學里西四十里有卜子祠

樂室縣東綿山內四壁高峻中有平原相傳晉錮樂盈於此

今祀介廟中

瑞石城北門外高七尺狀類太湖石相傳卽隋文帝所獲之

石

英雄相遇處在小水鎮世傳卽李靖紅拂虬髯公相遇處

陰地關崇徽公主手跡李山甫詩一掐纖痕更不收翠微蒼

蘚幾經秋誰陳帝子和番策我是男兒爲國羞寒雨洗來

香已盡淡烟籠著恨長留可憐汾水知人意旁與吞聲未

忍休

贈尚書虞部員外郎文府君墓誌銘在孝義原宋明道中文

潞公撰文

淮陰侯廟碑南二十里元至正庚子集賢學士歸暘撰文

霍州

彘城西三里水經注汾水又南過永安縣西故彘縣也周厲

王流於彘卽此城也王莽更名黃唐城漢順帝陽嘉三年

改曰永安晉志故霍伯國

夏王城東四十里東城村相傳赫連氏城基址微存

呂州城汾河西隋志開皇十六年置汾州十八年改呂州竹

書紀年晉獻公十九年虢公醜奔衛乃命瑕父呂甥邑於

號都志云北號也非彭城東五十九里之呂博物記永安

山西通志卷五十七
有呂鄉呂甥邑古今地名記同唐武德三年宋金剛食盡
北走秦王世民追破尋相於呂州郡縣志霍邑西南十里
呂有呂城紀聞云霍邑古呂州卽彘也唐爲呂州彘卽永安
其城甚固綱目質實云故城在霍州西三里

永安故郡隋志後魏置并置永安縣開皇初郡廢改縣曰霍
邑

霍求公故居水經注晉獻公滅霍趙夙爲御霍求公奔齊晉
國大旱卜之曰霍太山爲祟使趙夙召霍君奉祀晉復穰
蓋霍求公之故居也

觀阜故百邑也原過受竹書於王澤趙襄子齋三月剖竹有
朱書曰予霍太山山陽侯天使也三月丙戌子將使汝反
滅智氏女亦立我於百邑襄子拜受之遂滅智氏祀三神

於百邑使原過主之世謂其處爲觀阜

仇池壁北魏志正始二年復置永安縣治仇池壁

避暑宮南五十里霍山上亦傳赫連勃勃避暑處墓存

神指徑土橋舊通志作十里徑東三十里卽霍山神指唐兵
取霍邑之徑也

先鋒臺城東北相傳唐高祖授太宗先鋒印

聖馬跡西南十五里相傳尉遲恭追太宗躍馬於此兩岸石
上有馬蹄遺跡

唐西福昌寺碑許敬宗撰文

隋宋老生墓詩碑東二里宋提刑御史張商英弔之詩勒碑

山西通志卷第五十七

古蹟

古蹟

三

山西通志 卷五十八
夾寨城西十三里唐天祐四年梁遣李思安攻潞州築夾城圍之晉王存勗與節度使李嗣昭合兵攻夾城破之今稱北寨南寨五代史莊宗軍於夾寨城得符道昭妻侯氏寵焉諸宮謂之夾寨夫人孫冲過夾寨有詩

飛龍宮在子城內一名啟聖宮唐元宗別駕潞州故第開元十一年將幸太原次潞州於故第置啟聖宮後改名飛龍宮明皇過故宮有詩張說有上黨舊宮述聖頌

聖瑞閣在飛龍宮西元宗在潞州州中獻瑞者前後十有九後踐位潞人獻瑞應圖遂建閣賜名聖瑞閣成白鶴來翔
張九齡撰聖應圖贊

德風亭在郡治後唐元宗建西有輦道接看花梳洗樓今名遊嶺宋徽宗爲節度重葺元廉訪使王思誠地曹侍郎熊

戴俱有詩

興唐宮潘炎童謠賦序云景龍二年九月後常有童謠云羊頭山作朝堂郡南六十里有羊頭山今興唐宮卽當之矣
寢堂潘炎寢堂紫氣賦序景龍三年十月帝還京後州內所居寢堂上有紫氣七日不散

金橋南二里玉海唐景龍三年童謠聖人執節度金橋十月二十五日元宗由此朝京師潘炎著金橋賦并序

藏書樓在郡學後金大定中知州蓋善建貯書萬一千五百二十卷有楊仁風記石存

還山亭東南五里元皇慶初李文忠孟平章時歸葬父忠獻公於先塋側作亭名曰還山

觀稼軒在五龍山元郡守張菊軒建郡人李庭璠撰記

古塔西南隅故寶雨寺中隋潞州刺史辛彥之建寺廢塔存
龍山松在五龍山相傳自後燕主慕容垂時至今榮茂

西園明藩藩園又有菊花園在普通寺西

保定園明保定王建今爲慈仁菴

內邱園內邱王建

唐山園唐山王建

稷山園稷山王建

安慶園在安慶廢府西又有大隱園

葵園沁水王建在演武巷園西有進修館

平遙園平遙王建在演武巷

唐義陽郡王李公德政碑潞州父老上李抱真德政請立石
紀功詔門下侍郎平章事董晉撰文

元追封扶風郡伯馬繼翰世德碑東北五里御史張起岩撰
文

元提舉王天祐墓碑銘城南南宋村太常李紹撰文

元知州王守忠墓銘東北桃園里御史呂思誠撰文

長子縣

丹朱城卽舊城唐十道圖堯長子丹朱築在縣西周二十里

金時改築今城舊城遂廢址存

武安城屯城背白起駐兵所北曰武安南曰屯城距長平

百餘里

長子城北魏志前漢上黨郡治長子城

樂陽城西南三十里魏普泰中析長子寄氏置樂陽縣北齊

廢今名樂陽村

山西通志 卷五十一
應城東南四十里址少存今名應城村

傾城東南二十一里周六里

幸城南十九里周一里魏志長子有應城傾城幸城

岳陽城西南三十里後魏置岳陽縣北齊廢今為村

青城南三十里相傳唐元宗開元十年舊邸有五色龍見從

東南入青城宛轉上升時刺史作頌曰宛彼龍德昭昭上

升天資利物以固時乘

古長城舊志潞澤之交起丹朱嶺至馬鞍壑有古長城蹟存

土人謂梁晉構兵時築

寄氏故縣北魏志二漢為猗氏屬上黨郡景明元年改隋開

皇九年復置寄氏縣十八年改為長子

神農井北魏志羊頭山下神農泉北有穀關即神農得嘉穀

處玉海上黨長子縣有神農井在炎帝廟西五十步石泉

二清一白一味甘名神農井

丹朱嶺南二十五里明謝榛同周斯盛飲山樓詩萬年不改

丹朱嶺聖帝垂名共白雲

熨斗臺在縣北世傳丹朱築形似熨斗上有神農廟

粹經閣一名粹經樓在安懷坊元至正間隱士王綱建

崔府君伏虎處在鵬黃嶺搜神記鵬黃嶺有虎患府君移牒

捕之虎自來伏罪

先師像舊傳昔有執政於橋下掘得一石上鐫夫子像唐吳

道子筆也元至正辛巳摹刻廣州學舍明嘉靖中縣令徐

固得搨本重刻今在先師廟碑陰

右軍書在慈林寺唐人集右軍字摹刻僧以搨本為累槌碎

投井中後得斷石數片輦置學宮

崔令攝虎碑宋管蒙初堂記云在縣東北數里

鄭惠王石記在慈林寺唐太武帝第十三子也僧洪滿書

白鶴觀碑城西北隅唐天寶三年虞世南書邑人趙及有詩

字半磨滅

宋慈林寺碑元豐四年龍圖閣學士太康侯王益柔撰

屯留縣

余吾城明一統志西北十八里春秋徐吾邑周九里址存漢

為余吾縣隸上黨晉廢今隸屯留為余吾鎮通典漢有徐

吾故城在今城西北水經注東漢建武六年封景丹子尚

為余吾侯明于忠肅公過余吾驛有詩

屯留故城東南十里周七里即屯留舊治魯宣公十年晉人

滅赤狄甲氏及留吁杜預注留吁今屯留也甲氏潞之遺

種留吁其殘邑也襄公十七年晉人執孫蒯於純留北魏

志有屯留城唐武德五年移治霍壁村括地志屯留故城

在潞州長子縣東北三十里本漢屯留縣城

建義故縣北魏志建義元年析屯留縣置

賓適亭在西北隅宋紹聖丁丑八月建蒲津張畢有記

寶峰碑影光可以鑑新會梁廸詩古寺荒餘有剩碑

襄垣縣

臨漳城九域志威勝軍之臨漳城周處風土記堯築

韓城北一里甘水之陽趙襄子築故名襄垣後周置韓州於

此唐貞觀中徙今治遂廢

涅城西北九十里漢上黨郡有涅氏縣顏師古注涅水出焉

甯城北二十七里舊經趙簡子築

安民城一作安仁縣北十里石勒攻上黨安仁城即此北魏

志慕容儁上黨郡治安民城後遷壺關魏皇始元年治安

民真君中復治壺關

石勒城西北九十里城底里乃勒攻上黨積草城也舊志縣

北五十里

烏蘇城北魏志銅鞮縣有烏蘇城

襄垣城北魏志建義元年置襄垣郡治襄垣城後齊郡廢

臨川城北魏志襄垣有臨川城

故韓州唐志後周置隋大業初廢唐武德四年復置貞觀十

七年廢

上黨亭漢地理志襄垣縣莽曰上黨亭

五原故縣魏志建義元年分銅鞮縣置

銅鞮故縣西六十里國語銅鞮晉大夫羊舌赤之邑漢置縣

今為虎亭驛有南里北里魏志上黨有銅鞮城又漢地理

志縣有上虎亭下虎聚上虎亭為北里下虎聚為南里

觥水堡舊唐志武德五年銅鞮縣徙治觥水堡

銅鞮宮左傳成公九年鄭伯如晉晉人執諸銅鞮上黨記晉

別宮墟關猶有北城去晉宮二十里羊舌所邑潞志載虎

亭古銅鞮治本晉虎祁宮漢更為虎亭按漢地理志上黨

屬縣銅鞮有上虎亭下虎聚師古注虎音斯不聞以虎亭

為虎祁也又杜預注虎祁地名在絳西四十里臨汾水則

虎祁當以太平為正按襄公三十一年鄭子產云銅鞮之

宮數里杜注晉離宮名則銅鞮在先虎祁在後恐未可為

市橋一名豫讓橋在舊城下碑存史記豫讓欲爲智伯報仇
襄子當出伏於所當過之橋下襄子至橋馬驚曰此必豫
讓也使人問之果豫讓橋距城南十里

迴轅蹟魏孝文幸洛迴轅處秋冬之交楓林滿山名小虎邱

沙石堆北魏志銅鞮縣有沙石堆

琉璃井西六十里虎亭鎮舊傳琉璃八角井卽崔生墜虎皮
處

涼樓元成此其將建樓避暑址存

特恩堂明劉文安建有記

四榮碑明劉文安立有記

鹿哭泉東南五里李信村昔唐人生子左臂一目怪而棄之

鹿乳焉後遇人收之鹿尋不見墮淚成泉其子卽三目僧
也

黃魯直二歌石刻今存

義令石縣郝村之北道隘有義令立石大書輕避重少避老
賤避貴來避去四言今存

潞城縣

微子城東二十里舊傳微子始封地魏地形志壺關有微子

城

潞城東北四十里漢縣後魏更名刈陵移沁水北

刈陵故縣北魏志二漢晉曰潞屬上黨真君十一年改屬襄

垣郡

武軍城魏志刈陵縣有武軍城

石梁北四十里左傳晉荀林父敗赤狄於曲梁時伐石爲梁
今名里閉曰石梁上黨記曲梁在城西十里今名石梁

晉封靈顯王廟碑邑人楊義方撰文漢建武十一年如風
宋重修靈顯王廟碑邑人張山撰文紹聖元年歲在甲戌四
月十二日立石

金重修靈澤王廟碑邑進士王陞臣撰文泰和二年歲次壬
戌重九前三日

黎城縣

黎侯故城東北二十里路史作邕邾商書西伯戡黎蓋以黎
恃吾兒谷之險而敢拒方伯也隋志後魏以潞縣被誅遺
人置開皇十八年改名黎城唐天祐中更名黎亭宋天聖
三年遷於白馬鎮卽今黎城貞觀中改黎城爲黎亭

黎城故縣西北十里宋天聖三年廢

曬布崖西北七十里世傳高辛氏三宮女爲仙織龍鬚之布
於此曬焉近有粉粧臺又有彭莊世傳彭祖訪三仙女至
此

臺壁東十五里建興八年慕容永聚糧臺壁燕主慕容垂大
破之北魏志刈陵縣有臺壁李濂壺口關詩慕容臺畔草
萋萋

伏虎郊西二十里嵐山之麓舊有雙虎爲害伏虎禪師至虎
馴伏旁有石禪師嘗憇此

白岩寺牡丹明潘藩愛此花移植府中數載僧夢有紫袍黃
蓋者至牡丹所倏不見晨起視之新芽出土方寸而藩府
宋花已槁矣至今邑人多遊賞焉

宋宇文光墓碑吳陶撰文並賞誥

關虎左轄二公勲德碑元將關保虎林赤也在縣南門外至正辛卯盜犯襄垣分軍三隊掩掠之盜遁自黎城下吾見峪路人立石

壺關縣

陽護城東二十六里今陽護村慕容永據長子時築

益陽城東南六十里今城頭村慕容永築以拒慕容垂址湮黎亭後漢志壺關有黎亭

臯落氏故墟上黨記東山在壺關城東南晉申生所伐今名無宰又樂平縣東南三十里有臯落村相傳爲臯落氏之墟

潁陽岡縣治後魏嘗置縣址存

羊腸坂漢志北魏志胥云在壺關縣

五馬門北魏志壺關有五馬門

高望堡唐武德四年析上黨縣置壺關縣於此貞觀十七年移治進流川

參園卽南極園在紫團山石間生參似人形一名人銜一名神草大者徑尺小者六寸唐周繇以人獲遺段成式詩人形上品傳方志我得真英自紫團舊傳有服參飛仙者本草亦名紫團參爲上今園已墾而田矣

令狐徵君隱居上黨記令狐徵君隱城東山中去郡六十里卽壺關三老令狐茂上書訟戾太子者也茂卽葬其山三

靜軒縣治廳事東宋縣令陳留范鉞建熙寧四年七月七日

撰撰記紫團山三十六景之一宋王輔之詩

駐雲亭紫團山三十六景之一宋王輔道有詩

王輔道紫團詩石碣自跋云紫團勝賞聞之舊矣壺關大夫

俾圖作記欲得予詩予時在管城錦繡潭土自食至晡三

十六景賦之遍點竄一二字耳因以草卷寄之時政和六

年秋九月既望乙巳輔道書郡志云輔道書字神奇原刻

十二石亦以搨本累僧碎之埋於山麓後人踪跡掘之止

得八石嵌於慈雲寺壁間後止存四石

國朝順治十八年縣令朱輔移置學宮

磨崖碑三十六景之一懸崖上鐫古籀書宋王輔道有詩

宋真澤廟二真人封號碑政和元年六月初一日縣令通仕

正郎濟源李元儒撰右班殿直權縣尉武棟立石

羊平順縣志非縣志資云亦在國朝

魯班梯卽虹梯關縣東北六十里張井栢水都山中有石徑

西通河南林縣徑如雲梯土人傳魯班所鑿魏志壺關有魯

般門一名天門

赤壤川北魏志其地寒而早霜

侯壁里粵治村西有溝名錯塹俗傳鯀欲濬漳河南流鑿山

而不就禹改渠東流今鑿痕尚存

石勒寨北八十里石城里周四里六十步相傳石勒築城貯

八米址存

呂仙筆在靈顯觀世傳呂純陽遊此書

汾州府

汾陽縣

祝融城在城西相傳祝融築

山西通志

卷五十八 古蹟

十

山西通志 卷五十八 古蹟
茲氏城南十五里一名甄子城秦置漢高帝更封沂陽侯嬰
為侯國史記夏侯嬰食邑茲氏是也魏志太和八年西河
郡治茲氏城鞏村有遺址

瀕城東十五里水經注文湖之西側臨湖有瀕城

八門城北十五里俗名羅城相傳劉淵遣喬嵩攻西河築此

城有八門

西河故郡隋志後魏置汾州後齊置南朔州後周改介州隋

改為西河郡

隰城故縣隋志舊置西河郡治此開皇初郡廢大業初復唐

志肅宗上元間更名隰城

西河故縣水經注魏黃初二年西河恭王司馬子盛碑畧曰

晉西河舊處山林漢末擾攘百姓失所魏興更開疆宇分割

太原四縣以為邦邑其郡帶山側塞矣似即故茲氏地水
經注文水南經茲氏故城東為文湖世謂之西河在縣直
東十里舊唐志漢美稷縣隋為隰城上元元年九月改為
西河

永利西監宋置

禁火臺南一里祀介子推

卜子石室西北四十里謁泉山上有石室相傳子夏居此舊
志云石室去地五十丈層松飾岩列栢綺壁惟西崖得歷

黃級升

愛子村北三十五里地輿總要卜子夏哭子喪明處

郭林宗宅東郭天寧寺有遺址有道先生嘗設教於汾天寧

文寺即其地

文潞公宅治南百步相傳淨心寺卽其遺址明嘉靖三年憲使王崇慶改建察院有宋元豐三年賜太師文彥博詩敕并序石刻今在學宮

黃華亭縣學二門外泮池西貯黃華老人行書詩石金翰林修撰王庭筠嘗讀書黃華山寺因號焉父遵古爲汾州觀察判官省親至此書詩石二史稱書法學米元章而端雅過之

仙槐在城隍廟東樹已枯金皇統中得異人藥復茂號仙槐建觀其地有勝默子步槐下吟

索靖碑唐賈耽刺汾州於古寺中掘得晉西河王司馬子盛碑太康中尚書郎索靖八分書可辨者大半重立於佛殿前

唐臺駘神廟碑貞元九年令狐楚撰文

唐文湖神廟碑令狐楚撰文宋崇寧間汾水泛漲碑沒

宋樞密使護國軍節度使檢校太尉河中尹同中書門下平章事贈中書令天水狄武襄公神道碑銘北十里郝洪里

劉村墓前翰林學士王珪奉詔撰文嘉祐四年二月甲申宋敕封潤濟侯廟碑宣和元年知汾陽軍事周煒撰文

金昌寧公廟碑銘大定十三年王遵古撰文

元呂簡肅公神道碑銘西南三里洪哲里墓前翰林學士虞

集撰文

元元貞觀碑翰林修撰張益撰文

平遙縣

京陵城東七里檀弓趙武曰從先大夫於九京鄭康成注晉

京卿大夫墓地京字誤當爲九原城塚記尹吉甫北伐時所築漢爲縣屬太原郡莽曰致城師古曰卽九京唐於縣治南置京陵府水經注京陵縣卽趙文子與叔向遊處其京尚存漢興增陵於下故曰京陵一載忻州

中都城西北十二里顧炎武曰知錄漢高祖十年十一月破陳豨立子恒爲代王都晉陽孝文紀云都中都陳豨傳同而文帝過太原復晉陽中都二歲又立子武爲代王都中都則今之平遙縣也如淳以爲先都晉陽後遷中都正義引括地志中都故城在平遙縣西南十二里水經注春秋昭公二年晉侯執陳無宇於中都漢文帝爲代王都此武帝元封四年幸中都宮殿上見光赦中都死罪以下來城西三十五里相傳後漢來歙築

羗城西四十里漢建安中築以居羗人十六國春秋劉氏之先有羗城之號趙滅城廢

屈頓城西北二十五里城塚記晉武帝於堤側屈曲爲頓後汾水溢址湮

思歸城東二十里相傳劉淵將築壘以攻劉琨後思歸夜遁蔚州城西北二十五里後魏遷北蔚州民居此置蔚州後周廢

平遙城後魏平遙縣有平遙城

亭岡城南二十八里

吉甫將臺在上東城相傳尹吉甫北伐閱兵於此蹟存上有高真廟

喜雨亭縣署內金大定十二年縣令藺嗣吉祈雨超山有應

山西通志 卷五十一 古蹟
三
喜構此 練署內金大宮十二平深之蘭園古池西法山首巖
晚香堂元杜文定思敬築有詩

碧鮮堂在慈相寺地多竹金趙大端詩寒陰鏤碎暗僧軒玉

亭立森森翠滿前

金井樓在縣中街下有井水色如金

鳳凰臺治西北隅舊有鳳棲其上一云在下西門城西北隅

又有鳳凰亭

華林園縣治側

太平興國觀古栢共十六株殿前十閣下閣後共六胥怪偉

而閣下三株尤奇相傳唐時植

清虛真人畫像在清虛觀

唐張智度墓銘天寶元年壬午刻存百餘字類褚河南楷法

與慈恩金塔聖教畧同

唐上柱國梁思墓誌銘石方二尺墓墜石出唐貞元九年癸

酉歲刻不書作者姓字舊志縣有唐開元貞元二碑貞元

爲梁氏遠祖砌吉祥寺寺梁氏五路廉訪家故佛堂也開

元碑砌西河書院壁

宋敕賜應潤廟碑宣教郎知平遙縣勾管學事余彥和撰記

太學內舍生龍澤書宣和元年十二月初十日

宋麓臺山聖俱寺殘碑縣東冀郭村碑高丈餘濶四尺餘字

方二寸其款勒可識者一曰朝奉郎守秘書省著作佐郎

知并州太谷一曰朝奉郎太常博士通判石州軍州兼管

後存慶曆六年五月二十二日十字

宋百福寺牒嘉祐八年敕賜

宋清虛觀碑元祐七年權均州軍事判官謝悰記太廟齋郎

朱處厚書

宋超山應潤廟牒碑宣和元年敕賜

超山應潤神祝文碑宣和元年奉訓大夫知汾州事周煒撰

宋祭文遣邑令余彥和致祭二年三月日立石

金趙秉文草書陰符經在清虛觀石多剝

元遺山題名石在超山題云己亥秋八月十有四日自太原

道往山陽留宿於此東山元好問裕之題溫仁甫有後序

郝純夫題名碣清虛觀內郝官禮部學士

董紹祖樂府辭石碣集福寺壁辭曰桃源憶故人泰和戊辰

前四月中旬後二日寓汾庠進士馮天傑謹跋昭信校尉

行汾州府平遙縣尉劉鎮立石

趙大端僧塔記在慈相寺

葬枯骨碑銘在清虛觀金皇統壬戌鄉貢進士李致堯撰并

書

太平崇聖宮敕旨碑在清虛觀時改為太平崇聖宮敕清和

太宗師興修

元征行都元帥五路萬戶梁瑛神道碑在梁官村嘉議大夫

御史丞行御史臺事魏初撰集賢侍讀學士奉議大夫李

倜書丹中奉大夫中書省叅知政事杜思敬篆額延祐元

年重九月日少中大夫西蜀四川道肅政廉訪司男天翔

立石

元少中大夫西蜀四川道肅政廉訪司梁公神道碑銘在梁

官村奉政大夫監察御史毫郡李元道撰集賢學士資德

大夫吳興趙孟頫書丹翰林侍讀學士中奉大夫知制誥
兼修國史清河元明善篆額延祐二年七月初十日前僉
廣東廉訪司事授朝列大夫信州路總管府治中長男梁
時中承事郎大名路清河縣尹次男梁時正承事郎秦州
成紀縣尹次男梁時義中顯校尉僉瀾東海右道肅政廉
訪司事次男梁時仁等建

元評事梁秉鈞墓碑中書省選充汾州教授張藻撰平遙教
授邢仲元書丹鄉貢進士趙黻篆額歲次壬寅九月庚辰
朔初六日乙酉太原路平遙長官男梁琮孫男梁棟次孫
男梁翼梁羽立石

元沁州長官贈沁陽公杜豐神道碑銘進士李鼎撰文中統
四年龍集甲子上巳日夫人王氏建

梁公禱雨碑在超山訓導張翼撰伶思賢書

元明威將軍吉州路達魯花赤杜思明墓碑在西汾里母弟
前資善大夫中書左丞杜思敬撰文延祐六年歲次己未
十月壬子朔十六日丁卯承直郎婺州路義烏縣尹兼勸
農事長男杜恕立石

郝真人碑翰林學士朝請大夫知制誥修國史姚樞撰八分
書多剝又有真人十二大字石碣在觀中

伶思賢安樂會詞石碣在清虛觀

清和子手書石碣在觀內乃三大字也清和真人嘗掌大教

西源散人李晉子益氏跋

介休縣

鄔城東二十里今鄔城店左傳司馬彌牟爲鄔大夫漢置太

古蹟

古蹟

七

山西通志 卷五十一 古蹟
原郡有鄔縣魏地形志介休有鄔城平爲潞人夫其置太
武城東四十五里秦白起駐兵於此

板橋城西北十八里韓板村劉淵擊劉琨於此城阻水以板
橋渡又汾水之右有左部城一云劉淵爲晉都尉所築
六壁城東洪山村水經注魏置城因爲大鎮太和中罷鎮仍
爲西河郡

介休城北魏志介休縣有介休城

介休故郡隋志後魏置定陽郡平昌縣後周改郡曰介休開
皇初廢

介州舊唐志武德元年於介休縣置貞觀初廢平定大邑未
古平周縣十三州志在縣西五十里漢置隸西河郡
永安故縣隋志永安有雀鼠谷

小靈石故縣元志元初析靈石縣置至元二年省入介休

忌坂西南十二里其坂壁立介之推避晉文公於此後人忌
之東北十里晉文公避其地

綿上聚左傳晉文公求介之推不獲以綿上爲之田曰以志
美吾過且旌善人後漢志界休有綿上聚

郭林宗故宅北關郭家村今華嚴寺按郭有道介休人郭家
李村實桑梓地汾州故宅其設教處也

秦王塔西南十三里西靳屯南原上唐武德二年劉武周固
守雀鼠谷秦王世民兵不得進遂登南原合戰大敗武周

於此後人建塔記之晉空王制
假糧堆南四里相傳唐太宗圍尉遲恭於此負土爲堆覆之

金以粟五南門伏卧斬唐太宗文德
古蹟

金果園在南門外相傳唐太宗收尉遲恭駐兵於此

段同村東北二十里相傳單雄信棄戰處今段屯有棄戰泉

銀空窟 摩斯嶺 僧胥空王佛弟子

鹿橋 兔橋在抱腹巖相傳空王佛自并州來二鹿二兔前

秦導唐太宗因建雲峰寺置二橋

李姑巖相傳唐太宗妹焚修地

郭有道墓碑東五里官路南墓前蔡中郎撰文

漢宋子浚碑水經注宋冲以有道司徒徵林宗縣人也

孝義縣

虞城東北十里晉滅虞遷其民居此

號城北八里晉滅號遷民居此

魏文侯城宋袁藏雲趙瞻詩俱云魏文侯城縣志文侯宅在

縣治東又有臺在宣化坊上有樓名看河樓

吳城西南七十八里魏將吳起為西河守築以拒秦

六壁城西八里魏真君五年討白狐於六壁城地形志永安

中置顯州治六壁城六壁者世傳辛壁賈壁白壁許壁柳

壁并六壁為六也唐置以居府兵遂名六壁府

團城縣南田屯村孝昌三年置軍隋開皇九年廢魏志義寧

高郡有團城縣建義元年置武定四年置武昌郡治團城

東多城魏地形志天平中置真君郡治東多城

魚城北十里 高唐之西 西至天 中置 縣 置 縣 治

務城西八十里 孝昌中 置 西 河

北溫州唐志武德三年置貞觀元年省 中 置 西 河

中陽故縣舊唐志漢中陽縣後魏曰永安貞觀元年改為孝

吐京僑郡西二十里劉家里魏志真君九年置吐京郡領新
城吐京二縣孝昌中陷寄治西河

溫泉故縣西九十里高唐山之西元至元三年廢縣置巡檢
東司自高唐迤南爲南溫泉隸靈石迤北爲北溫泉隸孝義
高唐故縣唐志武德二年置隸北溫州貞觀元年省入溫泉
團今縣西有高唐山昌二年置軍部開皇六年廢縣志
介休坂西四里勝水南原
仙童原南五十里王才里縣志漢武帝見一童子年可八九
歲曰吾居丹洞使往瑤田聞西河有長命聖女因假來此
吳言訖上升因名仙童原吳言訖西河有聖女因假來
枯桑原在王莊里庾信枯樹賦西河有枯桑之社

比干臺東二十里汾河上相傳商季遣比干於騶虞山築臺
晉明于忠肅過孝義詩比干臺古野烟生

溫公鎮東十里今司馬村世傳溫公嘗宿此

田真宅縣西吐京村北今爲寺

唐魏文侯墓碑開元二十年孝義令楊仲昌撰

宋建護國寺碑傅從政撰文寶元二年歲次己卯七月庚寅
朔十九日戊申十里三交南山世勳碑文歐陽文忠公撰
宋魏文侯墓碑嘉祐戊戌謝景初撰文

臨縣

古烏突郡南三十里隋志後周置烏突郡及縣隋開皇初郡
古廢縣改太和唐高祖時廢爲五社東大岳南宰都西玉溪
井北古壇中善慶今東關豐市街碑記猶存

山西通志 卷五十一 古蹟
北和故州舊唐志武德二年置貞觀三年省入臨泉

古臨泉城西北四十里今東山暨西河潞各南城舊志謂劉

古琨所築漢志西河郡臨水莽曰監水時又隸涇州是時

尅虎寨城金大定時攻西夏築城屯兵元廢

劉王溝相傳劉淵引兵過此廟存

魏孝文遺跡南五十里三交南山世傳魏孝文過此見有異

宋氣立廟厭之至今地無棘刺

石崖佛字南十里路東懸崖百尺上有一佛字縱橫三尺許

田體甚端楷色稍白因名白佛崖舊說佛音彌為佛胖之佛

謂未有佛之先此字已兆於此崖

普化寺古鐘在寺內金大定三年造重數千斤聲聞百里明

崇禎壬申寺焚鐘損

宋將西征禱應克捷碑元符二年十月日右正議大夫守左

丞蔡金紫光祿大夫守左丞僕射陳立

元延安兵馬總管袁公神道碑在太平鄉白汶里奉議大夫

兼陝西漢中道提刑按察副使姚燧撰承直郎漢中道巡行

勸農副使暢師文書并題至元二十五年歲次戊子九月

二十九日男昭毅大將軍西蜀四川道提刑按察使克忠

建東官渡音韻

石樓縣六里管公千夷晉城縣志云石樓東二十里

石樓之顏有巢氏栖於石樓之顏路史今隰州有石樓縣本

尋曰吐京隋文帝改石樓東南六十里有石樓山

吐京故郡魏地形志汾州吐京郡真君九年置孝昌中陷寄

薛治西河太武又置嶺西縣太和二十一年改名吐京

新城北魏志世祖名嶺東太和二十一年改

西德故州唐志武德二年於石樓置西德州貞觀元年廢

長壽故縣東五里後魏孝文置隋廢唐武德二年復置貞觀

元年省

夷吾館東六里晉公子夷吾建通志云在縣東二十五里又

縣東有夷吾橋

義門莊西五十里金時晉賢六世同居大定間旌其坊曰義

門

試劍石西四十里世傳宋呼延瓚獵此獲劍試諸石分爲兩

蹟存

元資德大夫大司農鄭允中先塋碑翰林院承旨榮祿大夫

管翰林院國史趙孟祚撰至正十六年四月吉旦

永寧州

離石城趙武靈王破林胡樓煩始築離石城東漢末爲南部

庭在新東關北隅劉淵都離石卽此一名左國城後魏立

離石鎮州志今有井存

廬山城北六十里縣志晉并州刺史劉琨攻劉曜築此址存

隋志後周置廬山縣大業初併入修化按隋志修化縣有

伏廬山

孟門城西一百二十里一云州西二十里魏吳起所云左有

孟門者卽此舊唐志貞觀二年置孟門縣七年省入定胡

昌金明昌六年更名孟門改離石巡檢司今爲孟門南都址

存

安國城西二十里山巔址存

離石故郡隋志後齊曰昌化縣置懷政郡後周改郡及縣曰
離石

昌化故郡舊唐志本漢縣後周改昌化郡隋復為離石縣唐
天寶元年改石州為昌化郡

定胡故郡在城西後周置郡及縣隋開皇初郡廢
西定故州唐武德二年於定胡縣置貞觀二年廢

修化故郡隋志後周置窟胡郡及縣隋開皇初郡廢縣改修
化

方山故縣隋置唐武德二年置方州三年州廢縣存金貞祐
四年徙治積翠山元省入離石縣城尚存今名方山堡在

州治北一百五十里
劉王嶼劉淵都離石故名

鳳山仙蹟州北二里上建希夷殿相傳陳搏修煉於此羽士

孫雲際亦潛棲焉

呂梁碑劉耽作蓋漢時人碑可辨者六十字言舜禹治水時
事

宋嘉禾碑宋離石縣有嘉禾碑

寧鄉縣
吳王城西一百五十里三交原舊傳為吳起寨址存

寧鄉故縣隋志後周置隸離石郡大業初併入離石縣
平夷故縣舊唐志後周析離石置平夷縣金明昌六年改曰

大寧鄉

車轍坪南三十五里相傳戰國時齊使進茶路經於此軌跡

猶存南五十里高千丈周益三里昔人踐其地

山西通志 卷五十一 古蹟
避兵臺南五十里高千丈周盈三里昔人避兵居此

寧國寺碑金大定四年立石畧云唐顯慶二年重修

大同府

大同縣

雲中城府城北郭外按秦漢之雲中故城卽唐雲中都護府
吳唐志雲中都護東北距朔州五百五十七里自唐置雲州
于恒安鎮始改定襄縣曰雲中其實元魏之平城卽漢鴈
門郡之平城縣也魏天興元年定都平城始營宮室建宗
廟立社稷二年增啟京師十二門孝文帝遷都洛邑改爲
司州牧唐呂令問雲中古城賦棄萬里之沙漠傍五原之
風土肇爲此都實惟太祖池桑乾之水苑秦城之牆百堵
齊蠹九衢相望張嵩賦一太陰以建極則廣莫而論都遂

徵板幹庀徒卒鏟嶢嶢削崛岉因方山以列榭按長城以
東爲窟

平城外郭明一統志城東五里本漢平城縣其外郭乃西魏
所築在無憂坡上按北魏紀太宗泰常八年築平城外郭
大周三十二里舊志云西魏所築者謬

元魏宮垣遼志占城之北面雙闕尚在後爲天王寺今考魏
書錄其可見者如左舊志誤以遼西京四門爲元魏制度
今改正

天文殿天興元年秋七月定都平城始營宮室十月起天文
西殿十二月太祖臨天文殿太尉司徒進璽綬咸稱萬歲大
業赦改元

天華殿天興二年秋七月建十二月成

中天殿天雲母堂天金華室天胥天興三年七月建

紫極殿元元武樓元涼風觀天興四年五月建

西昭陽殿天興六年十月建天賜元年九月御昭陽殿受朝

西宮天祖天賜元年冬十月築十一月幸西宮天泰常八年廣

西宮起外垣牆周二十里中有天文殿天宗天永興元年十

二月始居西宮御天文殿又有板殿天永興四年幸西宮臨

板殿元藏志古址之北面雙閣尚存元正安元年

天安殿見天賜六年元西殿元樂

萬壽宮世祖始光二年三月營故東宮為之中起永安安樂

二殿臨望觀九華堂是歲九月二殿成大饗以落之

東宮世祖延和元年七月建三年七月成備置屯衛三分西

宮之一

北宮世祖真君十一年大治宮室皇太子居於北宮即恭宗

天賜四年秋七月築北宮垣

太華殿高宗太安四年三月建九月成大饗羣臣孝文太和

淳九年大享羣臣班賜皇誥太和十六年二月壞太華殿經

始太極殿十月成高宗時郭善明甚機巧北京宮殿多其

製作

壽安宮高宗和平元年保太后常氏居壽安宮十八又

白樓文成李后傳高宗登白樓望見后美之遂得幸於齋庫

史中興承明十年五月數十日太和十六年古六聖曆

平城紫宮孝文生於此神光照室十八又

崇光宮顯祖皇興五年徙御崇光宮採椽不斷土階而已延

太興三年改寧光十八又

太和殿孝文帝承明七年正月建太和元年七月成十四年
崇居廬引見羣臣於此

七寶永安行殿孝文帝承明元年七月建

安昌殿承明七年正月建七月成太和十六年依古六寢權

白制三室以安昌殿爲內寢

朱明門高思賢門胥孝文帝太和元年建九年七月又新作

諸門

坤德六合殿太和三年正月建

乾象六合殿太和三年二月建四年正月成

思義殿太和四年九月成十六年孝文帝臨殿策問孝秀

東明觀太和四年七月改作九月成

皇信堂太和七年十月成十五年帝始聽政於皇信東室十

六年以皇信堂爲中寢

宣文堂太和十二年八月建十七年徙御宣文堂

經武殿太和十二年八月建

永樂宮太和十六年二月徙御永樂宮

太極殿太和十六年二月經始十月成大享羣臣以落之十

八年自洛陽還平城御太極殿諭在代羣臣以遷移之畧

以上胥元魏大內宮殿

玃山宮太祖天興六年七月北巡築離宮於玃山縱士校獵

天賜三年正月四月凡再幸

豐宮太宗神瑞元年起豐宮於平城東北

西苑宮在西苑泰常三年十二月建太宗神瑞三年冬十月

白築宮於西苑

白登宮泰常四年九月築白登宮

南宮世祖神麋三年幸南宮獵於南山宗帳三幸
鑿元殿亦在方山太和十九年九月癸酉拜文明太后陵前
夜宿鑿元殿甲戌還永樂宮

鹿苑天興二年二月以所獲高車衆起鹿苑於南臺陰北距
長城東包白登屬之西山廣輪數十里鑿渠引武川水注
之苑中疏爲三溝分流宮城內外又穿鴻鴈池天興四年
大起石池鹿苑臺神瑞六年三月發京師六千人築苑起自
永舊苑東包白登周圍四十餘里

北苑太宗永興五年二月穿魚池於北苑泰常二年築蓬臺
宣其中四年又築宮於蓬臺孝文太和二年四月祈雨北苑
三年五月又祈雨於北苑閉陽門是日澍雨大洽十一年

八月罷山北苑以其地賜貧民太和元年九月起永樂游
觀殿於北苑穿神淵池

東苑太宗泰常七年秋八月詔泰平王率百國以法駕田於
東苑車乘服物皆以乘輿之副

華林園世祖真君五年華林園諸果盡花

永興園太和十七年三月幸永興園

東西池太祖天興三年穿城南渠通於城內作東西池
天淵池高宗興安二年二月發京師民五千穿天淵池高宗
穿天淵池獲一石銘稱桓帝葬母封遠近赴會二十餘萬
人有司以聞命藏之太廟

靈泉池在方山太和九年六月行幸方山遂幸靈泉池自後
十年四月幸十一年五月幸十二年四月七月閏九月凡

三幸十三年七月幸十四年二月七月凡再幸文明馮太后與高祖幸靈泉池燕羣臣及藩國使人諸方渠帥各令爲其方舞高祖帥羣臣上壽太后忻然作歌帝亦和歌遂命羣臣各言其志於是和歌者九十人

五石亭太祖天賜三年二月幸代園山建五石亭

馬射臺有三一在陂西太宗永興二年幸陂西馬射臺講武教戰一在南郊高宗興安二年七月築馬射臺於南郊一在長川世祖始光三年上親登臺觀走馬王公諸國君以下馳射中者賜各有差

城南白臺太宗泰常二年築高二十餘丈

天王臺府城北二里魏離宮

鳳臺城內西北隅左右二臺各高數丈元大德十一年地震

圮其左延祐間右臺亦圮今名鳳臺坊

文石室太和三年六月建於方山又有靈泉殿

郊壇太祖天興元年立壇兆告祭天地二年正月甲子初祀

上帝於南郊以始祖神元帝配降壇視燎成禮而反壇通

四陛壇埒三重天位在其上南面神元帝西面五精帝在

壇內各如其方諸神各以次從祀祭畢燎牲體左於壇南

從陽之義三年正月癸亥瘞地於北郊祭畢燎牲體右於

壇北從陰之義以神元寶皇后配

五精帝壇泰常三年爲五精帝兆於四郊遠近依五行數各

爲方壇四陛埒壇三重通四門

西郊方壇天賜二年四月復祀天於西郊爲方壇爲二陛土

陛無等周垣四門門各依方色爲名帝御大駕立青門內

內朝臣位壇北外朝臣及夫人芳容咸位青門外后率六
西宮從黑門入列青門內女巫執鼓立於陛之東太和十八
年三月詔罷西郊祭天

圓邱太和十二年十月帝親築圓邱於南郊十三年正月車
駕有事於圓邱十五年十一月冬至將祭圓邱帝親省齋
宮冠服及郊祀俎豆越三日帝袞冕劔舄侍臣朝服辭太
和廟之圓邱升祭柴燎

方澤太和十三年五月車駕有事於方澤

明堂孝文太和十五年四月經始十月告成十一月祀圓邱
遂祀明堂十六年正月祀顯祖獻文帝於明堂以配上帝
九月大享序昭穆於明堂祀文明太皇太后於元室唐開
元二十一年雲州置魏孝文帝祠堂有司以時享祭州有

魏故明堂遺跡卽於其上立廟

靈臺太和十六年正月明堂禮成遂升靈臺以觀雲物降居
青陽左介

太學世祖始光三年起太學於城東祀孔子以顏淵配孝文
太和十年詔建辟雍十六年八月以尉元爲三老游明根
爲五更又養國老庶老將行大射之禮雨不克成是歲幸
宗學親問博士經義

大社太和十五年十有二月遷社於內城之西太祖天興二
年冬十月置太社太穆帝社於宗廟之右爲方壇四陛祀
以二月八月用戊皆太牢

高宗石像興安元年詔有司爲石像令如帝身旣成顏上足
下各有黑石冥同帝體上下黑子論者以爲純誠所致

西武庫天興二年八月作西武庫

銅龍世宗景明四年五月己亥遷代京銅龍置天淵池

遼金宮垣西門有二土臺蓋宮闕門也路寢之基猶存遼志

晉高祖割山前代北地大同來屬重熙十三年因建西京

敵樓棚櫓具廣袤二十里門東曰迎春南曰朝陽西曰定

西北曰拱極設留守司衙南曰西省北門之東曰大同府

北門之西曰大同驛金克西京大定五年名其門南曰奉

天東曰宣仁西曰阜成

西京同文殿遼禮志常朝臣僚朝服幘頭袍笏公服紫衫帽

梳妝樓城西北隅遼蕭太后嘗居此址存

鬪雞臺在奚望山遼志乾符三年雲中守捉使李克用偕程

懷信等募士萬人趨雲州次鬪雞臺即此

銅石像在舍和坊遼志清寧八年建華嚴寺奉安諸帝石像

銅像石像五銅像六內一銅像袞冕垂足而坐餘俱常服

保安殿金大定五年建宮室名其殿曰保安

御容殿金建有閣門使

西京宮苑金築有宮苑使

遼金國子監府治東南明洪武八年改府學

長城北百餘里史記始皇三十二年使蒙恬自榆中竝河以

東屬之陰山城河上為塞土色皆紫故名紫塞又云府城

北有長城窟土人名白道泉

定襄城西北二十里漢為郡唐為縣皆治此開元間改為雲

中縣有陰山青坡二道皆出兵路

燕昌城燕主慕容垂輦過平城北四十里疾篤築燕昌城而

山西通志 卷五十八
還土人謂之老公城

盛樂城金志大同縣有盛樂城

白羊城西一百四十里卽大同舊衛城

故雲州舊唐志貞觀十四年自朔州北定襄城徙雲州來治
永淳元年爲賊所破因廢開元二十年復置天寶元年改
雲中郡乾元元年復爲雲州

平齊故郡隋志後魏置尋廢

雲內故縣隋志後周改太平縣曰雲中開皇初改曰雲內
雲中故縣舊唐志本隋雲內縣之恆安鎮唐貞觀十四年置
定襄縣爲雲州治永淳初廢開元二十年更名雲中遼始
析雲中置大同縣卽今治

恆安鎮遼志北魏置恆州齊文宣廢州爲恆安鎮周隋胥爲

鎮

白登後漢書注在平城東南十餘里雲中郡志按白登漢高
被圍處一在城東七里一在城北百餘里要以城北者爲
正今隸陽高

樞密寨西山迤南峰巒峽岨名青龍觀觀前有懸石絕頂少
西有石洞攀鐵索而上鐫詩云不知通得天台否鐵索懸
崖度石橋西望更出高峰名樞密寨

鹽場金志大同縣有鹽場

普恩寺古鐘朱弁記按其款識時後唐清泰三年歲在丙申
鑄

廣勝庫元置在大同掌平陽太原所造兵器以給北邊

唐段文昌墓碑縣志東八里字已剝落

山西通志 卷五十一
金西京大普恩寺重修大殿記碑皇統三年二月丁卯宋修
武郎借吉州團練使充通問副使婺源朱弁撰文

金左丞相封金源郡王諡誠敏紇石烈良弼墓碑良弼居宣
寧大定十八年薨命翰林待制移刺履勒銘墓碑

懷仁縣

蘭池城漢順帝陽嘉二年烏桓圍漢度遼將軍於此

雞鳴城南三十里土人名魏早起城爲雞鳴城又曰食時城
孝文帝築蹟微存金志懷仁有早起城

日中城孝文帝築金志懷仁有日中城水經注東有日中城
城東又有早起城在黃瓜阜北曲中

東城遼志太祖與晉王李克用會雲州之東城

沙南故城遼志懷仁本漢沙南縣地

莎泉故縣在城後魏置地有莎泉故名

雲中故縣南五十里今名中城堡相傳秦築址存遼志雲中
縣趙置金志遼析雲中置懷仁

大利故縣遼志隋大業二年置大利縣屬定襄郡遼改懷仁
奉義故縣遼志本漢陶林縣地後唐武皇與遼太祖會此後

析雲中縣置

聚仙臺西南六十里天羅寺南

利國鐵冶西二十清涼山又錦屏山亦有冶

梨園西南二十里元薛御史果園明入代府址存

山陰縣

南平城卽新平城太祖天興六年九月行幸南平城規度灑
南面夏屋山背黃瓜堆將建新邑天賜三年遂于其地築

山西通志 卷五十一
宮規立外城方二十里分置市里經塗洞達

山陰故城西南十五里卽忠州城金貞祐二年陞山陰縣爲忠州築城

黃昏城北四十五里魏孝文築

平齊故郡魏皇興初慕容白曜南伐下歷城徙青齊士望數百家於桑乾立平齊郡於平城西北新城尋徙治京城西南二百餘里舊陰館之西

河陰故縣遼置金更名山陰

御射臺南三十里龍門山後魏文成帝嘗射于此有碑記其陰列從臣姓氏

蕭太后營西南二十里安銀子村址存

復宿山房明王文端家屏及子柳州太守濬初讀書於此

遼節度使開國伯沙彥珣墓碣銘南三十里沙家寺東山坡

明正德中水衝出

金王拱碑在佛宿山碑云文殊大師留宿處

應州

應州故城東十里唐天寶初大同節度使王忠嗣所築乾符間朱國昌爲節度使移築天王村南故城遂廢

金鳳城天王祠前後唐明宗生此中有金鳳井元遺山詩此地曾云海眼開古今人喜暢奇哉料應丹穴相穿透飛出摩天金鳳來

黃昏城遼志金城縣有黃花城水經注武周塞水逕日沒城土人名黃昏城今訛黃花城

古望城南三十里下社村有觀音寺韓元帥浩習靜處寺後

古有樓卽古望城遺址
泊城州治西大定街北

金城故縣在州城內遼志金城本漢陰館縣地漢末廢爲陰館城大業末陷突厥唐始置金城縣爲州治遼因之明永樂間嘗掘得金城縣印今爲儒學

凝翠樓在州故城西門唐天寶時建

劉靜山房東南三十里小石峪溝東坡上相傳唐田游岩棲

此後名大覺精舍

劉智遠宅東北二十里有石甃井

瓜園在輝耀村相傳劉智遠微時種瓜處

龍首書院州西南遼翰林學士邢抱璞建今儒學基卽其故

址

一經樓龍首書院東遼郎中邢建妻陳夫人教子讀書處遼列女傳陳氏甫笄通經義好吟咏時以女秀才名之歸於建有六子陳氏親教以經後二子抱璞抱質皆以賢位宰相

小有園在康興莊金權州節度使康公弼憩此

碧柳園金榮國公高汝勵別業卽今柳樹巷

書堂巖茹越山中金進士曹之謙講學處

梳洗樓州治西南四十五步乃元元帥韓浩故宅也

古石經柱在州城中關王城隍二廟八角石上蓋遼金時筆

透玲碑在佛宮寺相傳唐晉王墓上石光明如鏡元季兵燹

止留二尺許

金重修州學記碑翰林學士李冲畧撰文

山西通志 卷五十八 古蹟
渾河碑在東關龍王廟石螭首上篆刻開劫渾源河碑記成
化時州人得於渾河

渾源州

故崞縣西二十里橫山左側遺墉尙存水經注崞縣故城王
莽之崞張也縣南面北岳右背崞山處三山之中故名崞
張其西山謂之崞口北有繁峙故城王莽之當要也州志
山形如郭故名肇於西漢至後唐徙築今城

平舒故縣史記趙孝成王十九年燕以葛武陽平舒易趙地
徐廣曰平舒在代郡莽曰平葆隋曰平寇縣唐爲渾源縣
金陞州

平寇故縣隋置唐廢

飛石窟東頂大茂山碑舜皇巡狩詣此將登祀值大雪弗能

進而遙祀之俄有石飛墜帝前遂以安王石名五載復狩
其石載飛曲陽帝命卽其地祠祀焉其飛窟尺寸固安王
石符券也

叢桂窟金劉撝至其曾孫登進士者若汲若仲澤仲瀛若侃
若儼若從益從禹共八人嘗求書八桂堂於趙閑閑曰君
家豈止八桂書叢桂窟歸之

翠屏書院南七里翠屏山金狀元劉撝右丞蘇保衡講學處
歸潛室金劉京叔祁壬辰還鄉里躬耕自給築室榜曰歸潛
壁間書張橫渠東西二銘自撰記作歌

龍山遺蹟西南四十里明一統志金末李冶元好問張德輝
嘗游此山號爲龍山三老

退藏齋元進士雷發建賦詩曰陋室那堪陋巷居退藏天畀

山西通志 卷五十一
隱斯廬看山破費工夫外一炷清香註易書

鳳山書院西北七里鳳凰山下明時郡人司務孫聰建標十

二景曰鳳鳴亭翠微樓得月軒秋香圃藏書窟鼓琴洞奕

碁臺釣魚磯碧水竇彩雲巖金魚塘瑞蓮池

風葫蘆紈扇南十里崕峽口張君祥刻石

壯觀唐李太白書刻崕峽東崖上筆力遒勁人多摹搨成化

十年建太白祠於崖上

歸潛堂銘金寂通居士陳時可撰

金雷思龍山詩碣大雲寺中思天德三年進士同知北平轉

運使事

元重修廟學碑泰定中韓國理撰文

元重修律呂神祠碑西北七里至元六年五月十五日東昌

教授麻治撰文

靈邱縣

靈邱故城東十里水經注應劭曰趙武靈王葬東南二十里

故名宋起鳳靈邱辨趙時未置邑中歷秦楚迄漢高帝十

一年冬命太尉周勃擊陳豨豨奔武靈之邱始置邑焉

敬城水經注靈邱有興豆亭敬傾不正世名敬城

蕭后城西南三十里蕭家坡遼蕭太后所築壘存

楊六郎城距蕭家坡二里

靈邱故郡隋志後魏置後齊省莎泉縣入焉開皇初郡廢

故蔚州隋志後周置大業初廢

大昌故縣隋志後周置隸蔚州開皇初併入靈邱

莎泉亭北魏志北靈邱郡有靈邱莎泉二縣後齊省入靈邱

山西通志 卷五十八 三
大勝甸東六十里元兵勝金人於此因名

石銘陁在縣西水經注澁水東流入陁有石銘其上故謂之石銘陁

溫泉宮北魏紀高宗興光元年十二月幸靈邱至溫泉宮義倉東南二十里隘門山後魏置宋嘗設關於此

擲虎澗東北二十里李存孝牧羊於此李晉王獵逐虎過其地存孝搏殺之隔澗擲還遂養以爲子

寧朔府唐莊宗以吐渾白承福爲都督賜姓名爲李紹魯置兩府居之終唐時常遣使朝貢

石人臺東北五里俗傳唐時鄧氏女過而有感遂生存孝廣靈縣

長城在直峪山漢武帝元光五年築址存

平舒城西十里平水村南晉穆帝昇平三年燕主慕容儁居

北部賀賴頭于代郡平舒卽此

六郎城在林關峪宋將楊延昭所築址存

清塞守捉城唐貞元十五年置

寡婦城東七里相傳夫遠戍妻築城以居址存

古城南三里遺址甚狹相傳秦皇所築

延陵故縣史記趙孝成王十八年延陵鈞率師從相國信平君助魏攻燕漢置延陵縣隸代郡遼志蔚州廣陵縣本漢

延陵縣隋唐爲鎮州地後唐同光初分與唐縣置路史延陵有五一在代一在丹徒一在晉陵一在綏一闕

插箭嶺東南三十里相傳宋將楊延昭插箭於此

懷荒鎮禦夷鎮胥北魏置縣境隸焉

聶諒故里神峰山下加斗村諒元總管也

廣昌縣

商王城東十五里址存內有比干廟

五龍城遼志後周置廣昌縣於此

飛狐故縣卽廣昌縣治漢名飛狐縣後名廣昌遼志後周大象二年置廣昌縣於五龍城隋仁壽二年改名飛狐相傳有狐於紫荆嶺食五粒松子成飛仙故名唐隸蔚州其北飛狐道宋爲飛狐軍遼爲飛狐縣明初改廣昌

銅山冶舊置爐鑄錢唐至德以後廢元和間復鑄唐志飛狐有三河銅冶有錢官

晒甲石南七十里楊六郎晒甲於此

祭刀石南四十里相傳楊六郎在此祭刀明巡關御史立碑

曰楊六郎祭刀之石又南六十五里有楊夾馬石

孟良曰南六十里孟良春粟於此

雲溪觀西南安峪村北魏道士寇謙之建

陽高縣

娘子城距白登村二十里相傳曲逆以美婦豔冒頓激闕支過而信宿焉故名霍鵬詩雲中冒頓曾鳴鏑塞下闕支有廢城

沮洳城北魏紀泰常二年十月辛酉行幸沮洳城癸亥還宮

高柳故城附近有參合陂胥隸縣境北魏志永熙中置高柳

郡高柳縣屬焉

開陽故縣五朝志馬邑郡開陽縣舊曰長寧後齊置齊德長

寧二郡周廢齊德郡隋開皇十九年改縣曰開陽

白登故縣遼志本白登臺地遼置長青縣金改白登明廢
白登臺南二十里遼志冒頓縱精騎三十餘萬圍漢高帝於
白登卽此或曰魏廣鹿苑遷白登之民於此故名梁元帝
橫吹曲朝跋青坡道暮上白登臺

單于臺西北百餘里漢武帝元封初勒兵十八萬騎登此臺
莫含壁代左將軍關中侯繁峙莫含故宅在桑乾川南世稱
莫含壁含音訛或謂之莫回城云

陽和臺卽北城上建元帝宮殊壯麗

太師莊西北十餘里乃明英國公張輔莊也河水灌溉稱沃
壤

明總督軍門在城西南

撫賞庫在制府南內貯綵幣遠人欵貢則給賞

天鎮縣

平邑故縣史記趙獻侯十三年城平邑按漢志代郡有平邑
縣莽曰平胡

廣牧故縣遼志本雲中縣地北魏道武帝置廣牧縣晉建興
四年劉琨爲箕澹後繼屯廣牧

天成故縣遼志本極塞之地魏道武置廣牧縣唐武德五年
置定襄縣遼析雲中置元隸興和路

玉泉驛縣志隋唐曰玉泉驛遼改爲玉泉縣元爲興和路天
成縣按元之天成當卽遼金大同府之天成玉泉縣之說
疑附會

蕭后井在蕭牆堡相傳蕭后駐兵於此井水盈溢去後如故
洞賓洞在筆峰山深邃人莫敢入相傳呂洞賓居此

馬市樓新平北門外

大古城門天成衛南七十里蔚州北八十里

石鼓在青雲山驚峰寺

朔平府

右玉縣

定襄故縣前漢屬定襄郡後漢屬雲中按北魏定襄屬永安

天郡唐初定襄屬雲州胥非漢縣也

楨陵故縣漢置隸雲中郡莽曰楨陸十三州志楨陵北去雲

中城一百二十里

桐過故縣漢置隸定襄郡莽曰倚桐按黃河過桐過縣西桐

過北接楨陵縣

東古城東南五十里相傳漢明妃居此

南古城南七十里相傳爲劉武周行宮

定邊衛明洪武二十五年置東勝六衛一曰定邊後廢調大

同右衛實之又調玉林衛入定邊

蒲州營南三十里大南山下大路兩傍中隔滄頭河相傳孝

文駐兵於此

峰臺梁南八十里相傳唐李衛公北征駐兵於此

倉鶴陁古參合口卽今郡境出口之道也

張良洞南百里偏嶺相傳漢張良曾居此

蕭通元洞南三十里大南山之陽洞口高四尺廣三尺深六

尺石穴穿下人莫敢入相傳蕭通元第八仙修煉於此又

傳巖子陵曾隱此名巖子陵洞

孝文碑南三十里天南山中碑缺字多磨滅以土粉印之可

辨者有三寶顯明缺積侍郎內院缺廣武缺郡太子侍缺

孝文石名李賀苾缺光缺年四月十日上為孝文皇帝文

明缺百七十里缺敦山頂造缺天祿及七世所往前死後

缺千百葉缺國家和門缺用之無匱缺伯曾祖字樣餘俱

不成文不知為何朝孝文明嘉靖間分守大同中路叅將

李綦守備張璽重修大南山顯明寺碑云漢孝文駐兵於

此因墓於山建寺曰顯明供佛僧焚修舊碑存焉等文按

漢孝文迄今二千年碑未必存且佛法自漢明帝時始入

中國文帝時尚無佛法何得有顯明寺而漢官又無內院

元魏孝文在漢文後六七百年且先都平城至此山不及

二百里於缺碑中百七十里字有合當以魏孝文碑為近

黃華老人石刻城內白衣寺中金翰林修撰王庭筠書法

朔州

馬邑城晉太康地記秦時建此城將成而圯者數矣有馬周

旋馳走反覆父老異之因依以築城遂名馬邑漢元光二

年用王恢策伏車騎材官三十餘萬於此

太平城在州境後魏置神武郡北齊改曰太平周廢城內有

統萬所送二大釜各受二百石

梁郡城西二十里後魏時爾朱榮所築

大利城隋書大業九年十月築大利城於朔州以居啟民

長城自神池口東連馬邑即秦所築址

定襄故郡前漢治成樂縣後漢治善無水經注中陵水又西

廣安故郡隋志後齊置開皇初廢

馬邑故郡隋志舊置朔州大業初改代郡尋曰馬邑

新昌故郡舊志晉置按晉志惠帝改新興為晉昌郡非新昌

鄯陽故縣城外西北隅古城內本秦馬邑縣地北齊置招遠

具縣為廣安郡治隋大業元年始名鄯陽遼金元因之明廢

大遼志本漢定襄縣地

善無故縣前漢屬鴈門後漢屬定襄北魏天平二年置善無

郡治善無縣水經注中陵水又西北流逕善無縣故城西

大王莽之陰館也

懷朔鎮北魏志延和二年置鎮孝昌中改為朔州

六郎寨南八十里白草溝西南

赫連戍金程敏政朔州行赫連古戍白草枯

白樓古城內東北雲中郡志後魏明元帝姚后建樓以望秦

飾以鉛粉故名

通天樓舊志在古城內相傳夏王赫連勃勃建

鄂公故宅州南石碣谷村址微存

李純甫隱居金時隱居玉屏山自號玉屏山主人

聖佛崖明少保于謙詩鑿石成佛巧石內無佛先佛是幻象

石石是佛渾堅如佛能有靈石靈在佛先

馬邑縣

廣武城南八十里韓王信屯廣武漢兵大破之卽此漢為縣

隸太原郡

大同軍城唐志開元五年於大同軍城置馬邑縣遼志在鄯

陽縣東三十里南至朔州四十里按此大同城與永濟柵

故大同城不同

寰州城西關迤南後唐天成三年置寰州治寰清縣遼罷爲縣址存

馬邑川北齊文宣帝天保三年居柔然於馬邑川

灑南宮後魏世祖泰常五年夏四月起灑南宮又太祖天賜三年六月發八部五百里內丁男築灑南宮門闕高十餘丈引溝穿池廣苑囿

金龍池在司馬泊鄂國公廟前其水泓深清澈廣袤數畝自後魏以來相傳池中產二馬驪一黃一有角似鹿蓋龍種也尉遲敬德潛伺池邊俟其出飛跨其背策之將復躍入池乃以手攀大柳旋轉而止又傳池邊有左紐樹

檜臺城內西北隅高四丈餘相傳唐李靖築以觀星

馬跳莊北十里舊傳鄂國公於金龍池得馬乘至此馬復跳

躍故名又策而東至西河底村澗橫列一躍而過者三因名三跳澗

佳吉寨馬邑東南六十里宋楊將軍屯兵處又西南五十里太和嶺西北有六郎寨址存

元忠臣故宅在司馬泊村傳爲崔斌崔或故里門石獅猶存古峰臺在莊頭村高四丈中空可匿百人厥土堅實矢石不能攻

神婆跡在洪濤山頂俗傳神嫗攜子游山上手足及梳篦皆印石深寸許

左雲縣

宣寧城金志本遼德州昭聖軍宣德縣大定八年更名元因之明廢

窟龍城金志宣寧縣有窟龍城

大洛城北魏永興五年自雲中之大室南巡至定襄大洛城紫阿鎮遼志本漢桐過縣北齊置紫阿鎮唐會昌中置宣德縣

鎮朔衛明洪武二十五年置東勝六衛一曰鎮朔後廢調大同左衛實之又調雲川衛入鎮朔卽今縣

明妃遺蹟西北三十里蹄窟嶺相傳明妃出塞經此石上有馬蹄痕

鋤亭在善無北

土壁亭善無西北二亭胥近吐文山

紅羊峪南四十里盤踞百餘里嶺西有古寺遺蹟俗傳有二僧俱化於此

長城嶺東北三十里迤邐不絕上有禦敵形蹟

平魯縣

太羅城十三州志世祖建武二十五年置武縣在善無西一百五十里北俗謂之太羅城水亦藉稱焉

北新城北魏皇興初慕容白曜克宋歷城立平齊郡於平城西北北新城

廣寧故郡隋志鄯陽縣有後齊所置廣寧郡後周廢

唐隆鎮遼志寧邊州本唐隆鎮重熙二十五年夏遣使求唐隆鎮

老軍營在西門外相傳未建城之先屯兵於此駐防

磨山古洞舊志把禿王與漢兵轉戰數日斬於山下死者萬

騎後建廟旁有碧峰古洞幽杳莫敢入

契吳亭水經注水出契吳東山西逕故里南而北俗謂之契吳亭其水西流注於河

馬瞭溝西二十里相傳唐尉遲恭曾瞭馬此地有馬蹄跡井坪舊址井坪城西南三里相傳先於此築城未就移築今

城

楊忠故宅周保定三年忠為元帥與突厥伐齊出武川過故宅祭先人享將士

六郎寨井坪城西南十五里十二連山頂上相傳楊六郎屯兵於此舊址炮石尙存

山西通志卷第五十八



